

TINTFO LETITOBIA KHONA

 KuMnaketfu Boone nelibandla, impela lena yi—yinhlanhla lenkhulu kimi kutsi ngibuye eSan Bernardino futsi. Lendzawo iphetse letinengi tinkhumbulo letinkhulu tetinsuku letendlula. Nekuva loko, kuvakasha lapha, futsi kusasolo kunekuwunga lokuphilako, ngani na, impela kukwenta utivele ujabulile kutsi iNkhosi isicondzise ngalendlela lena, eminyakeni leyendlula.

² Bengikadze nje ngihleti ngephandle lapho endzaweni yekupaka, manje nje, ngitama kukhumbula ngalesinye setentakalo letentekile. Kwakuna Nkkt. Isaacson lobekangumtoligeli wami eFinland, emkhankhasweni waseFinland, futsi weta emotwени nasengisuka ngihamba nje. Futsi watsi, “Liphimbo lakho laseFinland.” Futsi nje angati noma Nkkt. Isaacson uhlala khona lapha yini. Beningati. Angeke kwenteke kutsi abekhona kusihlwa, ngiyetsema? Nkkt. May Isaacson, futsi uvela eFinland.

³ Besе kutsi lenye intfo legcamile lefike etinkhumbulweni tami, kwakunguweta lomncane esitolo lotsenga udlele kuso lengidlela kuso, edvute nje, basibita nge-Antlers Hotel. Ngikhola kutsi loko kunjalo, manje. Nalodzadze lomncane bekane... Ngangikhuleka naye. Bekane... Yena, dzadze lomncane lomuhle, kodvwa bekangesuye umKhristu. Ngamumemela enkonzweni. Futsi bekashonelwe ngumntfwana, futsi ngikhola kutsi umyeni wakhe, bebehrukene. Futsi sasikhuleka kutsi ufanele babuyisane nemyeni wakhe, noma bebatobuyisana, ndzawonye. Ngako, angati nje noma loyodzadze lomncane angaba khona. Niyabona na? I...

⁴ Futsi-ke lesinye sentakalo lesentekile, kwakungumntfwana lomncane lowaletfwa avela ndzawanatsite, cishe kulusuku ushayela. Futsi bekakadze afile, futsi bekalele emikhonwemi yenina. Futsi wabuye wavuswa. Ngabe loko... Ngabe lowomuntfu bekakhona lapha na? Futsi uyefika, ngiyakholwa, avela esifundzeni enhla ngalapha, emacentselweni, yayingenhla lapha. Nalomake lomncane bekashayele busuku bonkhe, nababe, namake lomncane ahleti lapho, ngekudzabuka, aphetse wakhe lomncane, umntfwana asimo lesifile. Futsi ngacabanga, “Kukholwa lokunje pho!” Kube bengingumzenzisi lomkhulu kunabo bonkhe eveni, Nkulunkulu bekatoхlonipha loko kukholwa kwalomake.

Ngiphetse lomntfwana lomncane etandleni tami, *kanjalo*, ngikhuleka. Wase uyafutfumala, wacala kunyakata, wavula emehlo akhe lamancane. Ngambuyisela kulomake. Ngako, bebavela ndzawanatsite. Angicabangi kutsi

bebangemaPhentekhostali, noko. Bona nje...Ngikhola kutsi nje kwakungulelinye libandla, kutsi kusukela...Angati ngisho noma ngabe bebangemaKhristu, noma cha. Angizange ngibabute. Ngangitfokotiswe nje ngulomntfwana lomncane lobuye waphiliswa futsi.

Kusukela ngalesosikhatsi, uMnaketfu Boone, kunengi lesekwentekile. Kodvwa sisakhonta Nkulunkulu lofanako Losasolo anguye itolo, namuhla, naphakadze.

⁵ Nangicalata nje lapha, ngibona uMnaketfu Leroy Kopp ahleti lapha. Kwekucala ngagcina kumbona emvakwesikhatsi lesidze. [Umfo utsi, "UnguPaul Kopp lapha."—Umhl.] Paul. Kunjalo. Leroy ngubabe wakho. Kunjalo. ["Futsi u—useRussia, kusihlwa, ngako mkhulekele."] O, hhe! ERussia. Yebo-ke, loko kutsi, ngiyati, lelisotja lelilichawe lapho, lilapho emsebentini weNkhosi. ["Kunjalo."] Ngako, ngijabule sibili kuba lapha nekuva lomshumayeli lomncane atsi waba nelugcozi ngenkonzo lebesinayo ngesikhatsi silapha. Intfo lenkhulu letsinta kanjani pho!

Futsi ngiyetsema manje, kutsi, sati kutsi sine... Bantfu bemile, futsi singeke sihlale sikhatsi lesidze kakhulu. Siyatikhumbula letotinkonzo letinkhulu tekuphilisa.

⁶ Ngako-ke, ngiyacondza kutsi kune—ne—nemnaketfu lapha kubomakhelwane, ndzawanatsite, lobambe umkhankhaso wekuphilisa, uMnaketfu Leroy Jenkins. Ngikhola kutsi kunjalo. Futsi ngako ngibonga kakhulu, ngetsema kutsi iNkhosi iyambusisa futsi imupha lenkhulu, inkonzo lenkhulu. Ku...

Hhe, ngitive ngihlonipheke sibili, kusihlwa, kungena endzaweni yekukhontela lenjengalena. Ngitiva njalo ngincono kuba sendlini yekukhontela kunalengikuvako kulawomahhola lamakhulu. Akukho lokumelene nelihhola. Kodvwa, niyati, ngi... Kungahle kube yinkholoze, noma nje ngi... Kuvakala kimi njengeliciniso. Niyabona na? Ba... Ungena kulawo mahhola lamakhulu lapho kunetimphi khona, kubambana kugicitwane, umbukiso lotinhlobonhlobo, yonkhe lenye intfo yenteka, imimoya lemibi ubonakala kwangatsi uhlala ngakuletotindzawo. Manje, loko kungabonakala kuyinkholoze, kodvwa akunjalo. Kodvwa uma ungena endlini yekukhontela, wena...ngalokwejwayelekile, impela libandla lakamoya, kubonakala kwangatsi, loko kutsi, u—utivela kakhulu ukhululekile, kwangatsi kukhona—kukhona intfo letsita. Bukhona baNkulunkulu bulapho. Niyati, kubonakala kwehlukile. Angati kutsi lesakhiwo sinemtselela muni, kodvwa ngulapho bantfu babutsana khona. Kusobala, bantfu labafanako bakulelenye indzawo, kodvwa kuletotinkhundla letimbi. Kungahle kube ngimi nje lengicabanga ngaleyondlela. Kodvwa, nomakunjalo, ngiyajabula kuba lapha kusihlwa.

⁷ Futsi manje asifuni kunihlalisa sikhatsi lesidze kakhulu, ngenca yetetsameli letimile. Futsi siya, kusasa ebusuku, kulenye indzawo letsite lapha. Angati ngisho nekutsi ikuphi. Kusedvute nalapha. [Lomunye umfo utsi, “EHholeni yeMbukiso iOrange.”—Umhl.] Kuphi na? [“EHholeni yeMbukiso iOrange.”] EHholeni yeMbukiso iOrange, kwetinkonzo takusasa ebusuku. Ngi... Loku kusemkhatsini, ngikhulumma ngeluhambo lwelicembu labo—labosomabhizinisi licembu lemaDvodza labosomaBhizinisi beFull Gospel. Lokukutsi, ngibe nenhlanhla yekukhulumma umhlabo jikelele, ngentela bona. Futsi ngako ekhatsi lapho, umngani lotsandzeka kakhulu usimemele ngalapha, futsi siyajabula kuba labandleni kusihlwa.

⁸ Manje, ngaphambi kwekutsi sivule liBhayibheli... Manje, noma ngubani lonemandla ngekwenyama angaLivula ngalendlela. Niyabona na? Kodvwa kubita uMoya loyiNgcwele kuvula Livi kitsi, avule kucondza kwetfu futsi embule imiBhalo. Ngiyakholelwa eBhayibhelini. Ngikholwa kutsi LiLivi laNkulunkulu. Futsi ngiyakholwa kutsi umhlabo, noma bantfu bemhlabo, bayokwehlulelwa ngalelinye lilanga ngaleLivi. Manje, loko kungabonakala kungakejwayeleki. Manje, banengi labehlukene nalowomcondvo.

⁹ Ngangikhulumma nemngani wami lowetsembeke kakhulu, kungesiko kadzeni, loliKhatolika. Futsi watsi, “Nkulunkulu uyohlulela lelive ngelibandla laseKhatolika.” Uma loko kunjalo, liphi lona libandla laseKhatolika na? Niyabona na? Ngako, uma Alehlulela ngeMethodisti, ngako-ke kutsiwani ngeBaptisti? Niyabona na? Uma Alehlulela ngalinye, lelelinye lilahlekile. Ngako, kunalokunengi kakhulu kudideka lapho.

Kodvwa sitofanele siye kuLo, kutfola sitatimende setfu—setfu seliciniso, neliBhayibheli liyasho kutsi Nkulunkulu uyokwehlulela live ngaJesu Khristu. Futsi ULivi. Johane loNgcwele 1, “Ekucaleni bekakhona Livi, naLivi bekakuNkulunkulu, naLivi bekanguNkulunkulu. NaLivi waba yinyama, wakha emkhatsini wetfu.” EmaHebheru 13:8 atsi, “Unguye itolo, namuhla, naphakadze.” Futsi ngiyakukholwa loko kutsi kuliCiniso. Manje, ngiyakukholwa e...

¹⁰ Nkulunkulu, ekucaleni, anguNkulunkulu longenasipheto; Unesipheto futsi...noma akanasipheto, ngicondze kusho njalo. Tsine singulabanesipheto. Umcondvo waKhe mkhulu kakhulu, futsi tsine, emcondvweni wetfu lomncane lonesipheto, singeke sakucondza kwaKhe lokukhulu, kuhlakanipha lokungenasipheto. Kodvwa ngako-ke, uma Akhulumma noma yini, ingahle ibonakale ingakejwayeleki kakhulu kitsi, kuMuva asho intfo letsite emBhalweni, kodvwa ifanele yenteke. Ngikholwa kutsi emaVi aKhe awayuze endlule. Ngako-ke, ngikholwa kutsi Nkulunkulu, ati kutsi tsine emcondvweni wetfu lomncane lonesipheto sasingeke sahumusha umcondvo waKhe—waKhe lomkhulu, Uhumusha Livi laKhe Yena.

Akadzingi kwasamhumushi. Uhumusha Livi laKhe Yena, ngekucinisekisa leloLivi ngesikhatsi saLo semnyaka.

¹¹ Ngikholwa kutsi, Nkulunkulu, ekucaleni, kutsi Nowa bekaLivi lalolosuku, leMlayeto waKhe.

Manje, kwase kufika, emvakwaloko, kweta Mosi. Manje, Mosi bekangeke atsatse Livi laNowa. Bekangeke akhe umkhumbi bese ubantantisabakhiphe eGibhithe, entasi neMfula iNayili, noma baye eveni lesetsembiso, noma kanjalonjalo. Umlayeto wakhe awusebentanga elusukwini lwaNowa; leyo kwakuyincenye yeLivi laNkulunkulu relacinisekiswa kutsi liliCiniso ngaMosi.

Kanjalo naJesu bekangeke abe neLivi laMosi. Ne... Luther bekangeke alondvolote livi lelibandla laseKhatolika. Wesley, bekangeke alondvolote Livi laLuther. NePhentekhostali, bebaneke batsatsa Livi leMethodisti. Bona... Niyabona na?

LiBandla liyakhula. Umnyaka ngamunye, wabelwe emBhalweni lapha. Ngako, Nkulunkulu, ngaMoya loyiNgcwele, wembula Livi laKhe, ngekuLibonakalisa nekuLicinisekisa, cobo lwaKhe, akhombisa kutsi LiLivi laKhe ngekwentiwa lifezeke ngelusuku leLetsenjisewa lona.

¹² Jesu wakusho loko. Watsi, "Uma ningeke ningikholwe Mine, kholwani lemisebenti leNgiyentako," ngoba ifakaza kutsi BekaNgubani, niyabona, uma noma ngubani bekawati umBhalo.

Manje, Uta ngalokuyincaba kakhulu, ngalokungakejwayeleki, ngangekutsi bantfu abafunanga kuMkholwa, ngoba, "Yena, anguMuntfu, beKatenta Nkulunkulu."

Ngako, BekanguNkulunkulu, esimeni. "Nkulunkulu bekakuKhristu, enta kutsi live libuyisane naYe."

"Futsi akekho umuntfu longenta lemisebenti lena Nkulunkulu angenaye," njengoba sati Nikhodemus washo loko. Kutsi, iSanhedrini yakukholwa loko.

¹³ Manje, siyakwati loko, leloLivi...Kube bebalatile Livi! Watsi, "Kube benimati Mosi, beniyongati Mine, ngoba Mosi wabhala ngaMi." Futsi siyabuka. Kube bebabuke emuva emBhalweni, babone kutsi Mesiya bekafanale kwentani, ngabe-ke bebayoMati ngekucinisekisa, kutsi, "Nkulunkulu, ngaKhristu, bekenta kutsi live libuyisane naYe," futsi afeza tonkhe tetsembiso letatitaMesiya, Lebekatotenta. Jesu wafakaza ngaleloLivi, enta leloLivi liphilele lolosuku.

¹⁴ Futsi ngikholwa kutsi leyo yintfo lefanako lesiphila kuyo namuhla: Nkulunkulu afakaza ngeLivi laKhe, ngekucinisekisa loko Latsi Bekatokwenta. Manje, siyati kutsi lolu lusuku lwensindziso, lapho Nkulunkulu abita khona bantfu emhlabenzi, besuka emphilweni yesono, kuya emphilweni yekukhonta.

Nangelusuku lapho Nkulunkulu atfulule khona uMoya waKhe uvela Etulu, tibonakaliso nemimangaliso lemikhulu ifanele ipheleketele inkonzo yalolusuku. Lena yi...lapho imvula yakucala neyamuva yehla khona, kanyekanye. Futsi siyati kutsi kufanele kubekhona tibonakaliso nemimangaliso lemikhulu. Lokukutsi, emahlelweni lamakhulu lamanengi, Lukuyencatjwa.

Kodvwa ngibonga kakhulu ngalemnyango levuliwe lengibe nayo, kutsi ngingene kuyo, nelugcobo lunikwa tinsizwa njengalomelusi wenu lapha. Loko kubabangele...Njengoba sengicala kuguga, futsi ngati kutsi tinsuku tami setibaliwe, nekwati manje kutsi letinsizwa leti tingawutsatsa loMlayeto futsi tiWushushumbise kute kuyofika ekuBuyeni kweNkhosi, uma Ingafiki esitukulwaneni sami. Lokukutsi, ngetsema kuYibona. NgiYibuka malanga onkhe, ngigadzile, ngisolo ngitilungiselele lelo-awa.

¹⁵ Manje asikhulume neMsunguli ngaphambi kwekutsi sifundze iNcwadzi yaKhe, sisakhotsamisa tinhloko tetfu.

Babe loseZulwini, siyakubonga kakhulu Wena, kutsi sibe ngulabaphilako kusihlw, kutsi sibuye emuva kulelidolobha lelikhulu. Sihleti lapha kulendzawo leyimboniso yetintsaba, sibuka etulu futsi sibona lichwa, nalokuchakaza kwema wolintji achakaza, ngesikhatsi lesifanako, live lelihle kakhulu kangaka Losiphe lona kutsi siphile kulo! Nekutsi sibona kanjani kutsi umuntfu utsikamete futsi—futsi wenta kanjani kulelive, kusenta sibe nemahloni ngatsi lucobo, Babe.

Silapha, kusihlw, kutama kufaka imitamo yetfu, kutama kubangela bantfu kutsi babone lentfo lenkhulu Nkulunkulu layentile, futsi bati kutsi kukhona intfo lenkhudlwana ngaley nje. Kwangatsi singabuka kuloko, kusihlw, Babe, njengoba sivula eVini laKho futsi sifundza. SingaLifundza, Babe, kodvwa vumela uMoya loyiNgcwele aLembule kitsi ngesambulo. Ngoba sikucela eGameni laJesu. Ameni.

¹⁶ Manje, nine lenitsanza mhlawumbe kutsatsa emanotsi, ne—nekufundza umBhalo nemshumayeli, nje—njengoba ngalokwejwayelekile nabaWufundza. Futsi kwakuvarim kutsi, uma mine...eminyakeni leyendlulile, nganginadzingi kutsi ngiyibhale phansi imiBhalo yami, kanjalonjalo. Kodvwa sengitsite kuba mdzadlana kusukela ngalesosikhatsi. Niyabona na? Ngisandza nje kwendlula emashumini lamabili nesihlanu, madvutane nje, eminyakeni lengemashumi lamabili nesihlanu leyendlula. Ngako, kwenta kube kubanyana. Kodvwa ngisasolo ngitama kubambelela kuyo yonkhe intfo lengatiko kutsi yentiwa kanjani eVini laKhe, Ate angibite.

¹⁷ Manje, asivule kuJohane loNgcwele sahluko 14, umBhalo lojwayeleke kakhulu lesifuna kuwufundza kusihlw, kudvonsa kuloku Ingckitsi, iNkhosi itsandza. Cishe bonkhe bayawati

lona. Ubonakala kwangatsi, tikhatsi letinengi, usetjentiswa etinkonzweni temingewabo. Uma kwake kwabakhona sikhatsi lebengingatsandza kushumayela ngaso inkonzo yemngcwabo, bekungaba kulelive. Malife futsi liphindze litalwe kabusha. Johane loNgcwele 14:1 kute kuyofika kule 7, ngiyakholwa, ngimake phansi lapha.

Tinhltiyo tenu atingakhatsateki: uma nkholiwe nguNkulunkulu, kholwani nangimi.

Ekhaya laBabe kukhona tindlu letinengi:... bekungenjalo, beNgitonitjela. Ngiyahamba futsi ngiyonilungisela indzawo.

...uma Ngihamba ngiyonilungisela indzawo, Ngitobuya futsi, futsi nginemukele kimi; kuze lapho Ngikhona, nani nibekhona.

...lapho Ngiya khona niyati, nendlela niyayati.

Thomase watsi kuye, Nkhosi, siyati...lapho uya khona; singayati kanjani indlela na?

Jesu watsi kuye, Mine ngiyindlela, neliciniso, nekuphila: akekho umuntfu lota kuBabe, ngaphandle kwami.

Uma beningati mine, benitomati naBabe futsi: futsi kusukela manje niyamati, futsi nimbonile.

Kwangatsi iNkhosi ingengeta tibusiso taYo ekufundvwensi kweLivi laYo. Futsi sitotsatsisela kuLo futsi, ngetikhatsi sisachubeka, ngesikhatsi nje sisafuna kukhuluma ngesifundvo lesincane kuleliBandla.

¹⁸ Itolo kusihlwa, bengiseYuma; e-Arizona, lapho sekulikhaya lami khona manje. Ngi—ngi...Ngesikhatsi ngilapha ngaphambi kwekutsi ngihlale eJeffersonville, eIndiana. Manje bengise-Arizona, ngembono longitfumele lapho, eminyakeni lembalwa leyendlulile. Futsi sesihlala lapho manje. Anginabandla lapho.

UMnaketfu Green, umnaketfu lapha lokanye natsi, usungule litabernakeli lapho i...lelinye lema-Assemblies of God, libandla, emabandla asentasi nelidolobha. Ahlangene, futsi ngicabanga kutsi onkhe angena neMnaketfu Brock naneMnaketfu Gilmore, washiya lelibandla livulekile. NeMnaketfu Pearry Green, wase—waseTexas, wangena wase utsatsa lendzawo, lohlangene kanye natsi. Siyajabula kwati kutsi—kutsi uMnaketfu Green sewuphindze wayivula lendlu yekuhontela lebeyivaliwe.

¹⁹ Futsi itolo ebusuku, ngikhuluma ngale eYuma kumaDvodza labosomaBhizinisi labangemaKhristu, ngakhuluma ngesifundvo seLuHlwitfo. Manje, leso kungahle kube bekusifundvo lesingakejwayeleki kukhuluma emkhatsini wabo, e—edzilini, kodvwa cishe impela wonkhe lobekalapho bekungemaKhristu. Futsi nguleyondlela lokungayo kulemikhankhaso lenjengalonan,

noma e—ebandleni. Beningatsi manje, “Bangakhi kini labangemaKhristu na?” Mhlawumbe sonkhe sandla besingaphakama. UngumKhristu. Futsi ngako, uma singemaKhristu, ngicabanga kutsi besifanele sitsi kwatiswa ngaphambili. Asidzingi nje kutsi sicagele. Siyatista kutsi sipheto setfu siyoba yini.

²⁰ Futsi ngifuna kukhuluma ngaloko kusihlwa. Nesifundvo sitoba kutsi: *Tintfo Letitoba Khona*. Futsi manje, ngikhuluma itolo ebusuku ngeLuHlwitfo, ngako kusihlwa, ngifuna kukhuluma ngalesifundvo, kute ngiwubophele ndzawonye neMlayeto wayitolo ebusuku. Manje, kutobakhona luHlwitfo, siyakwati loko. Loko kusesikhatsini lesitako, kutsi kwenteke.

²¹ Manje, Jesu lapha ukhuluma, ngekutsi, Uhambe ngaphambili kuyosilungisela indzawo. “Tinhltiyo tenu atingakhatsateki.” Manje, Bekakhuluma nemaJuda. Watsi, “Manje, nikholiwe nguNkulunkulu, kholwani nangiMi. Njengoba nikholiwe nguNkulunkulu, kholwani ngiMi, ngoba NgiyiNdvodzana yaNkulunkulu.” Niyabona na? “Futsi, Nkulunkulu,” ngalamany’emagama, “Mine naBabe waMi siMunye. Babe waMi uhlala kiMi. Futsi lenikubona kwentiwa, Ngikwenta, akusiMi, nguBabe waMi lohlala kiMi. Wenta lemisebent.”

“Nkulunkulu bekakuKhristu, enta kutsi live libuyisane naYe.”

²² Kwakulula kulawomaJuda lebekafundzisiwe, titukulwane ngetitukulwane, kukholwa kutsi kwakukhona Nkulunkulu longetulu kwemvelo. Kodvwa kucabanga kutsi Nkulunkulu bekehlike futsi bekatibonakalisa Cobo lwakhe ngemuntfu weNdvodzana yaKhe, Jesu Khristu, Nkulunkulu atifake etabernakeli emtimbeni wenyama, loko kwakulukhunyana kakhulu kubo kutsi—kutsi bacondze.

Kodvwa Watsi, “Manje, njengoba nikholiwe nguNkulunkulu, kholwani nangiMi. Ngoba ekhaya laBabe waMi kunetindlu letinengi, futsi Ngiyahamba ngiyonilungisela indzawo.” Imphilo yaJesu yase itophela, lapha emhlabeni.

Bekabakhombisile bantfu, futsi wafakaza kubo, kutsi BekanguJehova abonakaliswe enyameni, ngetibonakaliso nemimangaliso lemikhulu, nenkhomba yaleliBhayibheli Lebekatsatsisele kuyo, kuYe lucobo. Futsi Wafakazela kutsi BekanguNkulunkulu, abonakalisiwe.

Manje Watsi, “Uma nibona imphilo yaMi iphela, iphelela inhoso letsite. Futsi Ngiyahamba, kuyonilungisela indzawo; kuze lapho Ngikhona, nani nibekhona.” Jesu ngako-ke utjela bafundzi baKhe kutsi lemphilo ayipheleli ekufeni.

²³ Manje, ngisho loku kwakusihloko semngcwabo. Khumbulani, tsine, kufa kuhleti embikwetfu ngco, futsi asati noma kungahle kubekhona yini labanye kulendlu kusihlwa

labangenakuphuma lapha baphila, kulemphiyo yenysama. Kungulokungacondzakali kanjalo-ke. Imizuzu lesihlanu kusukela manje, kungaba ngulaba labasha, labanemphiyo, bantfu labasha kulesakhwiwo bangaba sidvumbu emizuzwini lesihlanu kusukela manje. Lelo liciniso. Kantsi futsi, kungaba kutsi, emizuzwini lesihlanu kusukela manje, singaba sonkhe seNkhatimulweni. Asati nje. Loko kusetandleni taNkulunkulu. Jesu watsi Bekangati, cobo lwaKhe, kutsi lesosikhatsi siyoba nini, kodvwa, "Loko kwakusetandleni taBabe kuphela."

²⁴ Manje, kodvwa, Bekabatjela, kutsi, emvakwekuwa kunekuphila. Ngoba, "Ngiyahamba ngiyonilungisela indzawo," loko kutsi, kubemukela, kuyakhombisa loko lapho, Bekakhuluma nabo, kutsi bekukhona ku-kuphila emvakwekuwa lokuphila loku sekupheli. Futsi indvudvuto lenje pho lefanele kuniketa kitsi sonkhe, kwati kutsi, emvakwekuwa lokuphila loku sekupheli, kukhona kuphila, lesingena kuko. Futsi lapho uguga, loko kuba ngiko impela sibili kuwe. Lapho ucala kubona tinsuku tekuphila kwakho tisondzela, khona-ke kucala kuba, ucala kupakisha usondzele kakhulu, ulungiselela lesosentakalo lesikhulu. Kungumanje... Kukuchubeka kwalokuphila loku lokufanako kulelinye live, lenye indzawo.

²⁵ Kutalwa kwakho lapha kwahlelwa ngaphambili. Ngiyacabanga niyakukholwa loko. Wonkhe wonkhe wenu uyati kutsi kutalwa kwetfu kwahlelwa ngaphambili. Benati yini kutsi kubakhona kwakho lapha akutange kucale ensumansumaneni nje noma umcabango na? Yonkhe intfo yahlelwa ngaphambili yonkhe nguNkulunkulu, ngaphambi kwekusekelwa kwemhlaba, kutsi uyoba lapha. Nkulunkulu longenasipheto bekat. Futsi kuba ngu-kuba ngulongenasisiphetfo, Wadzingeka ati lonkhe likululu leliyoke libesemhlabeni, nekutsi liyocwabita kangakhi ngeliso lalo. Loko kuba ngulongenasisiphetfo. Niyabona na? Wena, imicondvo yetfu lemincane—yetfu lemincane, ingeke yakulinganisa kujula kwekutsi kusho kutsini kutsi *longenasipheto*. Nkulunkulu longenasipheto, Bekati tintfo tonkhe. Ngako-ke, ayikho intfo lephumile eluhlelweni.

²⁶ Uma silati Livi laNkulunkulu, siyati kutsi siphila kuphi. Siyalati li-awa lesiphila kulo. Siyati kutsi yini lesihlalele ngembili. Siyabona kutsi sendlule kukuphi. NeNcwadzi yaNkulunkulu isambulo saJesu Khristu; imisebenti yaKhe kuyoyonkhe leminyaka, loko kwakuze kuyofika eNcwadzini yeSambulo, bese kuba-ke tetsembiso taKhe lesitokuta. Ngako, tonkhe tetetsembiso taKhe tincinisile. Nkulunkulu angeke akhulume noma nguliphi Livi ngaphandle kwekutsi Liciniswe. Lonkhe Livi Lalishoko litofanele lifezeke. Ngaphambi kwekusekelwa kwemhlaba...

²⁷ Labanye bantfu bayamhlangahlanganisa Genesisi, lapho, ngesikhatsi atsi, "Nkulunkulu uya Tiphindzaphindza." Cha. Nje, akaondziswa. Niyabona na?

Nkulunkulu, ekucaleni, Watsi, "Makubekhona. Makubebekhona. Makubekhona." Umhlaba wawumnyama nje, encushuncushwini. Ngisho nangesikhatsi Atsi, "Makubekhona kukhanya," kungahle kube kwakukadze kungemakhulu eminyaka ngaphambi kwekutsi kukhanya kute kuchume kungene. Kodvwa ngesikhatsi Akukhulum, kutofanele kufuzeke. Kufanele kube ngaleyondlela. Niyabona na? Futsi Wakhulum Livi laKhe. Letotimbewu lebeyingaphansi kwemanti. Ngesikhatsi Omisa umhlaba, khona-ke timbewu tahluma. Loko Lakushoko kufanele kufuzeke.

²⁸ Washo, ngebaprofethi. Ngibhekise kuko itolo ebusuku. Njengekutsi, sitsatsa Isaya, watsi, "Intfombi iyokhulelwa." Ngubani lobekangacabanga, ngemuntfu lobekacatjangwa emkhatsini webantfu, kutsi asho livi lelinjena njengalelo, "Intfombi iyokhulelwa"? Kodvwa ngoba u...

Umprefethi usibuko saNkulunkulu. Wentiwe kanjalo kuze angakhulumi emavi langewakhe lucobo. Kutofanele kube ngemaVi aNkulunkulu lawakhulumako. Unjengesibuko nje, futsi ungumlomo waNkulunkulu.

Futsi ngako, ngako-ke, watsi, "Intfombi iyokhulelwa." Mhlawumbe bekangakucondzi kwayena, kodvwa Nkulunkulu bekakukhulume ngaye. Ngoba, Wetsembisa kutsi, "Akayukwenta lutfo Aze aLembule etincekwini taKhe baprofethi." Ngako-ke, ngesikhatsi asho loko, kwakuyiminyaka lengemakhulu lasiphohlongo ngaphambi kwekutsi loko kuze kufuzeke. Kodvwa kwadzingeka kufuzeke.

Ekugcineni, lawomaVi aNkulunkulu abambelela esinyeni sentfombi ntfo, futsi yakhulelwa futsi yatala Emanuweli. "Sitalelw u—uMntfwana, siphiwa iNdvodzana. Ligama laKhe litawutsiwa, 'NguMeluleki,' 'Nkulunkulu loneMandla,' 'INkhosi yekuThula,' 'UYise longunaphakadze.'" Loko kwakufanele kube ngaleyondlela, ngoba Nkulunkulu bekakukhulume ngemlomo webaprofethi baKhe. Nawo onkhe lamaVi aNkulunkulu lifanele ligcwaliseke.

Ngako-ke, siyati kutsi Jesu uye kuyolungisa indzawo, kutsi emukele bantfu babekuYe lucobo. Babobani labobantfu, ngiyetsemta kutsi ngitsi siyincenye yalabobantfu kusihlwa. Uma kungenjalo, mngani wami, Nkulunkulu wente indlela, simo, kutsi ungambandzakanywa kuloko uma ufuna. Usekutikhetseleni. Ungatiphatsa ngendlela lofisa ngayo. Kodvwa manje caphelani, manje, kulelive lelitako. Kukhona live lelitako.

²⁹ Njengekutalwa kwakho nje lapha, ngitsite, kwalungiselwa. Nkulunkulu wati kutsi uyoba lapha.

Futsi manje niyati, ngisho netintfo letentiwe batali bakho, manje, bantfu bacabanga kutsi loko akuhanjelwa esitukulwanen i ngesitukulwane, kodvwa kuyahanjelwa.

³⁰ Ngale eNcwadzini yemaHebheru, ngiyakholwa, cishe sahluko 7, akhuluma, Pawula lapho, babhali, ngikholwa kutsi kwakunguye, bekakhuluma nge—ngesentakalo lesikhulu lesasenteke ku-Abrahama, kutsi wakhokha kweshumi kuMelkhisedeki, ngesikhatsi abuya ekubulaweni kwenkhosi. Futsi manje washo, kutsi, “Levi bekaselukhalwene lwa-Abrahama, ngesikhatsi ahlangabetana naMelkhisedeki, abuya ekubulaweni kwemakhosi.” Wabese-ke ubalela loko ku “Levi akhokha kweshumi, futsi, aseselukhalwene lwa-Abrahama,” khokho-wakhokho wakhe.

Futsi Uhambela tono tebantfu etikwebantfwana babo—babu, esitukulwanen i kuya esitukulwanen i labangayuligcina Livi laKhe. Niyabona na?

³¹ Nonkhe nahlelwa ngaphambili nguNkulunkulu. Ayikho intfo leyenteka ngengoti, kuNkulunkulu. Wati konkhe ngako. Konkhe kuhlelwe ngaphambili, kwahlelwe letinengi titukulwane emuva, kute nine nibe lapha kusihlwa. Benikwati loko na? [Libandla litsi, “Ameni.”—Umhl.]

Cabanga nje, kutsi, wena, ngalesinye sikhatsi... Ngitokuphindza loku futsi. Wena, ngalesinye sikhatsi, wawukubabe wakho, esakhini-lufuto lwababe wakho. Manje, bekangakwati wena ngalesosikhatsi, kanjalo nawe wawungamati ngalesosikhatsi. Kodvwa, uyabona, wase-ke ufakwa endzaweni yekukhulisela, esinyeni samake, ngemshado longcwele. Bese-ke uba ngumuntfu lovetwe emfanekisweni njengababe wakho, khona-ke kukhona inhlanguanyelo.

³² Manje, indlela kuphela longaba ngayo yindvodzana, indvodzakati yaNkulunkulu, ngoba ufanele ube yi... ufanele ube nekuPhila lokuPhakadze. Futsi sinye kuphela simo sekuphila lokuPhakadze, naloko kuPhila kwaNkulunkulu. Sinye kuphela simo sekuphila lokuPhakadze, lowo kwakunguNkulunkulu. Lapho, kuba yindvodzana yaNkulunkulu, wadzingeka ube kuYe njalonjalo. Lesakhi-lufuto sekuphila kwakho, kuPhila kwakamoya, kusihlwa, sasikuNkulunkulu, Babe, kungakabikho ngisho ne-molekhuli. Niyabona na? Futsi awusilutfu kodvwa ukubonakaliswa kwesakhi-lufuto sekuphila lebesikuNkulunkulu, njengendvodzana yaNkulunkulu.

Manje uyavetwa, emvakwekuba Livi laKhe selite kuwe, kuKhanyisa bha lomnyaka. Uveta kuPhila kwaNkulunkulu kuwe, ngoba uyindvodzana noma indvodzakati yaNkulunkulu. Ngako-ke, niyakutfolo lelengikuchazako na? [Libandla litsi, “Ameni.”—Umhl.] Niyabona? Use... Manje sewentiwe, uhleti kulelibandla, kusihlwa, ngoba umsebenti wakho kuveta

Nkulunkulu kulesive lesi nalabantfu laba, nalabomakhelwane lapho utimatanisa khona.

Noma ngabe ukuphi, Nkulunkulu bekati kutsi uyoba lapha, ngoba wafanela kutsi ube ngulomunye wetakhi-lufuto taKhe, noma tincenyenye taKhe. Wafanele ubenjalo. Uma wake waba, uma unekuPhila lokuPhakadze, khonake KwakukuPhila lokuPhakadze njalo. Futsi Nkulunkulu, ngaphambi kwekutsi kubekhona sisekelo, lomhlaba, wati kutsi uyoba lapha. Futsi uma Livi, noma emanti, “sigezo semanti eLivi” ehlela etikwakho—kwakho, kwavetwa esidalweni. Manje sewunenhlanganyelo naBabe wakho, Nkulunkulu, njengoba nje unayo nababe wakho wasemhlabeni. Niyabona na? Nitakhamiti teNkhosi; hhayi nje takhamiti, kodvwa nibantfwana, emadvodzana nemadvodzakati aNkulunkulu lophilako, uma kukutsi kuPhila lokuPhakadze kuhlala kini.

Manje, ke, uma Kwakunjalo, Jesu bekakugcwala kwaNkulunkulu kubonakaliswa. Bekakugcwala kwebuNkulunkulu ngekwemtimba. Ngakoke, ngesikhatsi Efika emhlabeni futsi wabonakaliswa enyameni, nanilapha kuYe ngalesosikhatsi, ngoba BekaLivi. “Ekucaleni bekakhona Livi; Livi bekakuNkulunkulu, naLivi bekanguNkulunkulu. NaLivi waba yinyama, wakha emkhatsini wetfu.” Livi waba yinyama. Ngako-ke, nahamba naYe, ngesikhatsi nikuYe, ngesikhatsi Asemhlabeni. Nahlupheka naYe, futsi nafa naYe. Nangcwatjwa naYe. Futsi manje nivuke naYe, futsi nitincenyenye letibonakalisiwe taNkulunkulu, nihleti etindzaweni taseZulwini; senivele nivukile, navukela ekuPhileni lokusha, futsi nihleti etindzaweni taseZulwini kuKhristu Jesu. O, loko kusho lukhulu, etinsukwini tamanje, Bandla! Loko kusho lukhulu kitsi, kutibona sibekwe endzaweni lokungiyonayona kuJesu Khristu!

³³ Manje, uma singuletotincenyenye taNkulunkulu, singeke saphila ngetivumokholo. Singeke saphila ngebuhlelo. Sifanele siphile ngeLivi, ngoba uMlobokati uyincenyeyemYeni, njenganoma ngumuphi umfati uyincenyeyemyeni wakhe. Ngako-ke, sifanele sibe nguleloLivi Mlobokati. Futsi yini leloLivi Mlobokati na? Kubonakaliswa kwaleli-awa, uMlobokati, hhayi sivumokholo noma lihlelo; kodvwa imphendvulo lephilako yaNkulunkulu, incenye lephilako yaNkulunkulu, iveta ebäleni eveni tincenyenye taNkulunkulu, ekubumbekeni kweMlobokati lotovetwa kuleli-awa lesiphila kulo manje.

³⁴ Martin Luther bekangeke ativete letincenyenye lesitivetako, ngenca yekutsi loko kwakusekucaleni, kuvuka, njengeluhlavu lwakolo lolwangena emhlabatsini.

³⁵ Manje, siyakucaphuna loku futsi. Mhlawumbe nayifundza leyonicwadzi, leloJalimane lihlekisa ngami, futsi latsi ngangaliuhlanya kwendlula tonkhe tinhlanya. Lali—lalimelene

mbamba nayoyonkh'intfo letsiba nguNkulunkulu, futsi late lahlekisa ngisho nangaNkulunkulu. Latsi, "Nkulunkulu lowakhona kuvula Lwandle loluBovu futsi," latsi, "akhiphe bantfu baKhe; futsi wahlala agoce tandla taKhe esiswini saKhe, futsi wavumela (ngetikhatsi tebumnyama) bonkhe labobantu bafe futsi bahlupheke, labobantfwana labancane badliwe mabhubesi."

³⁶ Niyabona, lonkhe—lonkhe loluhlelo, lonkhe liBandla, lakhelwe etikwesambulo sebuNkulunkulu. Jesu washo, kuMatewu loNgewe, sahluko se 16, "Inyama nengati akukakwembuleli loku, kodvwa Babe waMi loseZulwini ukwembulele loku." Kwakuyini na? Sambulo sekutsi BekaNgubani. "Futsi etikwaleliDvwala, Ngitawulakha liBandla laMi, nemasango esihogo angeke aLehlule." Niyabona na?

Sambulo saJesu Khristu kuleli-awa, hhayi loko Lebekangiko kulelinye li-awa, Loko lebekangiko manje, liBhayibheli liyaveta, kukhula kwalo Mlobokati, kuba semumweni logcwele. Ngako-ke, uma luhlavu lwakolo, IwaKhristu, lwadzingeka luwele emhlabatsini, kanjalo neMlobokati wadzingeka awele emhlabatsini, ngetikhatsi tebumnyama. Noma nguluphi luhlavu lolungena emhlabatsini lufanele lufe, noma nakungenjalo lungeke lutivete, lumphindze lutivete. NeliBandla lelikhulu Lalisungula ngeluSuku IwePhentekhosti, ngekutfunyelwa kwaMoya loNgewe, ladzingeka lihlushwe ngekufela-lukholo futsi lingene elutfulini, emhlabeni esikhatsini sebumnyama, kutsi litale futsi emnyakeni waLuther, futsi liphumele emumweni logcwele weMlobokati waJesu Khristu walolusuku lwekugcina. Niyabona na? Akukho ndlela...

³⁷ Ngako-ke, uMlobokati, eluHlwitfweni, uyochamuka. Futsi kukhona konkhe lokuhlelwe ngaphambili nguNkulunkulu, konkhe kwesekeliwe. Kusukela ekucaleni, Bekati wonkhe umuntfu, yonkhe indzawo, kutsi ngubani loyohlala, konkhe ngako. Konkhe kuhlelwe ngaphambili. Nkulunkulu bekti kutsi kuyoba lapha. Futsi—futsi ngesikhatsi...Wakwenta ngaleyondlela, kuze kutsi uma sesifika lapho...Uye kuyosilungisela indzawo. Futsi uma sesifika lapho, kuyobe konkhe kulungiselwe njengoba nje ngisho nalobusuku lobu bulungiselwe, njengoba leli-awa lilungiselwe. Yebo. Kwati ngaphambili kwaKhe lokukhulu kuMtjela tonkhe letintfo leti, ngekwatingaphambili.

³⁸ Usetindzaweni tonkhe ngoba Ungulowati konkhe; lowati konkhe ngoba Usetindzaweni tonkhe. Ngako-ke, ngekwatingaphambili kwaKhe...Manje, Angeke abe nje njengemoya lohhusha etikwemhlabo, ngoba UnguMuntfu. Akasiyo nje insumansumane. UnguMuntfu. Uyahlala. Uhlala ngisho nasendlini. Uhlala endzaweni letsiba liZulu. Futsi ngako-ke, ngebekonkhe-baKhe, angulosetindzaweni tonkhe;

ngekuba ngulowati konkhe, ati tintfo tonkhe, ngako-ke Usetindzaweni tonkhe ngoba Wati tintfo tonkhe.

³⁹ Wena, manje, wakhula ekutalweni kwakho, ngesikhatsi utalwa wase wetfulwa kulomhlabo. Nkulunkulu bekati kutsi wawutoba lapha kulomhlabo, futsi wakhula usuka ekutalwени waya ekubhadleni. Tintfo lebetibonakala tingakejwayeleki kakhulu kuwe, ebuntfombini bakho bebusha, bujahana bebusha, njengebantfwana, manje kubonakala kungiko sibili kakhulu. Wawungakucondzi ngesikhatsi usengumntfwana. Kodvwa manje, njengoba sewuba ngulomdzala, ucala kucondza futsi utfola kutsi yonkhe intfo yayihlelwe kahle nje. Futsi, wena, kusho lokutsite sibili kuwe manje.

⁴⁰ Kunjalo nasekutalweni kwakho kwakamoya. Wenta tintfo longaticondzi, uma usengumntfwana lomncane, uta e-altari. Unikela imphilo yakho kuKhristu. Wenta tintfo letingakejwayeleki nje. Uyamangala kutsi wakwentelani. Kodvwa emvakwesikhashana, uma sewukhula, njengemaKhristu lokhulile, khona-ke niyakucondza. Niyabona na? Ikhona intfo lekubambako. Niyabona kutsi kungani nakwenta. Katalwa kwenu kwakamoya! Katalwa kwenu kwemvelo kufanekisa kwenu kwakamoya.

Kutsi kufanelana kanjani—kanjani kini, kulokuphila loku, lapho nikhula, yonkhe intfo ifanelana kahle, ngoba nentelwa loko. Kwakungesiyo yini intfo lengakejwayeleki, ngalobusuku lenayenda ngabo niyongena emishini, inkonzo yelithende, noma indlu yekukhontela lencane ndzawanatsite ekoneni, nentfo letsite umshumayeli lashumayela ngayo, sifundvo lesitsite, futsi wavele wawela ngco e-altari na? Niyabona na? Niyabona na? Nkulunkulu bekakwati loko, ngaphambi kwekusekelwa kwemhlabo. Niyabona na? Kwa—kwabonakala kungakejwayeleki kini, kutsi nine nakwentelani ngalesosikhatsi. Kodvwa manje seniyacondza; benati kutsi kwentekani. Kwenela kahle kakhulu kini kulokuphila loku, kantsi kutoba njalo futsi ekuPhileni lokutako. Lomhlabo lona nekuphila kwawo kubonakala ku—kuchubeka lapho nikhula. Yonkhe intfo ibonakala ihamba kahle nani.

⁴¹ Angikholelwa e...kutsi umuntfu kwenteka nje waba lapha ngengoti. Manje cabangani nje, ngesikhatsi nita la-lamhlaben, yonkhe intfo yadzingeka nilungiselwe yona ngaphambil, noma ilungiselwe ngaphambil, njalo, yentelwa nine. Angicondzi empeleni kutsi besingacabanga kanjani kutsi Nkulunkulu lowakwati kusilungisela tonkhe letintfo leti letinhle bekange...besingeke sabeka litsema kuYe. Kutsi, uma Asiletse kulenyakanyaka lesikuyo manje, futsi wasilungisela tintfo letinhle tempthilo lapha, singaMetsema kakhulu kangakanani ke kutsi alungisele tintfo letako, niyabona, tintfo taPhakadze! Kubonakala kwangatsi, ngiyasho, akukajwayeleki kakhulu.

⁴² Futsi a—angikholwa kutsi liZulu liyindzawo lena make lebekavamise kungitjela ngayo. Ngikholwa kutsi liBandla selikhulile kuloko. Kucabanga, kwakuvamise kuba njalo, eminyakeni lelikhulu leyendlula, noma lamabili, ngicabanga kutsi lemisumpe lemidzala yayivamise kucabanga kutsi wonkhe umuntfu lobekafa bekaya eZulwini futsi abe nelihabhu, bese—bese uhlala etulu lapho emafwini bese—bese ushaya lihabhu. Manje, bebatu kutsi kwakukhona indzawo lebitwa ngeliZulu. Kodvwa, bona, uma loko kunjalo, bonkhe labashayi betinsimbi bebatoba nako kitsi, niyabona. Kodvwa tsine... Kodvwa a—akusilo lolohlobo lwendzawo. Akusiko kushaya emahabhu, nhlobo. Ngiyakholwa, angikholwa kutsi liBhayibheli lifundzisa loko. Kodvwa lowo kwakungumeabango lebebanawo ngaphambi kwekutsi kugewala kweLivi kube khona, noma kuvulwa kwetiMphawu letisiKhombisa, lesitsenjiswe kona kulomnyaka, kutsi sesiyacondza-ke.

Ngikholwa kutsi liZulu yindzawo sibili lephatsekako, ifana nje njengoba lena kuyindzawo sibili, niyabona, ngoba Nkulunkulu wasicala ekukhuleni kwetfu kwakamoya kulendzawo. Futsi ngikholwa kutsi liZulu yindzawo lengiyo sibili nje njengalena, lapho singahlali etulu lapho liPhakadze futsi nje sihlale lapho efini. Asilitsintsitsi nje lihabhu letfu, kuko konkhe—konkhe lapha, njalonjalo. Kodvwa siya endzaweni sibili lapho sitokwenta khona tintfo, lapho sitophila khona. Sitosebenta. Sitokujabulela. Sitophila. Siya ekuPhileni, ekuPhileni lokuphakadze sibili. Siya eZulwini, iparadesi. Njenga-Adamu na-Eva nje basebenta, futsi baphila, futsi badla, futsi bajabula, ensimini yase-Edene ngaphambi kwekutsi sono singene, sisendleleni yetfu sibheke emuva ngco lapho futsi, ngco, emuva le. Adamu wekucala, ngesono, usikhiphile. Adamu wesiBili, ngekulunga, usibuyisela ekhatsi futsi; uyasilungisisa futsi usibuyisela ekhatsi.

⁴³ Nine bantfu lenitsatsa ematheyiphu manje, umlayeto we “kulungisiswa,” ngifuna niwutsatse. Futsi nitsatse lamatheyiphu, ngifuna nikutfole loko. Ngakhulumu ngako, lapha kungesiko kadzeni.

⁴⁴ Buka kutsi ukanjani umtali wakho wasemhlabeni, ngaphambi kwekutsi ufiike lapha, ngaphambi kwekutsi batu kutsi wawutofika, wakulungisela kuta kwakho. Cabanga nje ngaloko manje, batali bakho basemhlabeni. Lokukutsi, umtali wasemhlabeni ungumfanekiso kuphela weMtali wasezulwini. “Uma sati kutsi sibapha kanjani tipho letinhle bantfwana betfu, wati kakhulu kangakanani ke Babe wetfu loseZulwini kupha bantfwana baKhe tipho letinhle.” Jesu wakhulumu lamaVi lawa. Niyabona na?

Bayakulungisela kuta kwakho. Benta umbhedze lomncane, noma bebalalamancane, emabhudze latsite lamancane, netingubo letincane, kanjalonjalo. Balungiselela, yonkhe intfo

kutsi wena urike, balungiselela ngaphambi kwekutsi ngisho uke urike emhlabeni.

⁴⁵ Jesu uye kuyolungiselela kufika kwetfu lapho. Manje caphelani. “EKhaya laBabe waMi kunetindlu letinengi.” Noma, asi...

Angikacondzi kwengeta eVini, noma ngisuse kuLo, ngoba asikafaneli sente loko. Sambulo 22 satsi, “Loyo loyokwengeta livi linye, noma asuse Livi kuLo.” Kodvwa nje ake ngente loku, kungesiso lesengetiwe, kodvwa nje ku—kuveta liphuzu.

“EKhaya laBabe waMi kunetinhlobo letinengi tetindlu.” Angikhola kutsi uma sifika eZulwini kutsi siyoba, nje wonkhe umunfu ubukeka afana nje nciamashi. Angikhola kutsi—kutsi bonkhe bayoba lonetinwele letisaligolide, noma labanetinwele letinsundvu, noma—noma labancane, noma—noma babebakhulu bonkhe, noma—noma babe tichwaga bonkhe.

Ngikhola kutsi Nkulunkulu unguNkulunkulu wetinhlobonhlobo. Umhlabu uyakufakazela loko. Unetintsaba letinkhulu netintsaba letincane. Unematsafa. Unetingwadvule. Unetintfo letehlukene, ngoba Wakwenta ngalendlela Lebekakufuna ngayo. Futsi Wenta tikhatsi temnyaka; lihlobo, busika, intfwasahlobo, intfwasabusika. Wenta tikhatsi temnyaka. Kukhombisa kutsi UNGuNkulunkulu wetinhlobonhlobo. Wanenta ngetinhlobonhlobo. Lamanye emadvodza abhavumula mbamba; nalamanye ayatikhulumela ngemlomo wawo; nalamanye akahle; lamanye anemusa. Futsi nitfola nje tonkhe tinhlobo letehlukene tebantfu, naseMbuswени waKhe. Niyabona na?

⁴⁶ Bukani Phetro loNgcwele, futsi nimcatsanise na-Andreya. Niyabona na? Andreya ungulelochawe lemkhuleko, nje bekahlala emadvolweni akhe ngaso sonkhe sikhatsi. Nempostoli Phetro bekangulomunye waletotikhuni temlilo letivutsa bhe, na—nakanjalonjalo. NaPawula bekangatsi utsite kuba sifundziswanyana kakhulu, kakhulu we...njengemprefethi, noma lokutsite, futsi ahiale emuva.

⁴⁷ Futsi, niyabona, Mosi wabhala tiNcwadzi tekucala letine taleLidzala. Lokukutsi, wabhala liThestamenti leLidzala. Konkhe lolokunye kwalo kwakuyimitsetfo, nemakhosni, netihlabelo, kanjalonjalo, naloko lomunye lakubhala ngebaprofethi. Kodvwa Mosi wabhala imitsetfo, tiNcwadzi tekucala letine teliBhayibheli: Genesisi, Eksodus, Levithikhusi, naDutheronomi.

⁴⁸ Wase-ke Pawula ubhala liThestamenti leLisha. Loko kuliciniso. Matewu, Makho, Lukha naJohane babbala tento taloko lokwentekile, kanjalonjalo. Kodvwa Pawula wehlukanisa umtsetfo nemusa, wase ukufaka endzaweni yako. Niyabona na? Bekangumbhali welThestamenti leLisha. Wasinika

imibhalo yeliThestamenti leLisha, abeka Livi laNkulunkulu ngekuhleleka.

Manje caphelani, *letinengi*, “tindlu letinengi,” tinhlobo letinengi tetindlu.

⁴⁹ Njengekutsi, tinhlobo letinengi temagcuma; njenge, tinhlobo letinengi temifula, tiyalu, emachibi. Kwakulapha ngesikhatsi nine nifika lapha, kucala, ngenga yekutsi kulunga kwaBabe wenu loseZulwini k watibeka lapha. Ngoba, lamanye emadvodza itsandza tintsaba. Labanye bantfu utsandza emanti. Labanye utsandza tingwadvule. Ngako, niyabona, kuta kwenu, Bekayati imvelo yenu nekutsi niyoba yini, ngako Wakwenta nje ngendlela lenaningakujabulela ngayo. O! Ngicabanga kutsi lowo nguBabe lomangalisako, niyabona, kwati kutsi Wakwenta kanjena.

Ngiyajabula kutsi Wenta tintsaba. Ngi—ngiyatitsandza tintsaba. Ngi...Futsi ngi—ngiyakutsandza loko. Lapho, labanye, “O, ngingeke ngema...O, Ufanele kutsi watfulula libhokisi laKhe leludzaka lapho.” Yebo-ke, Walitfulula kute ngikujabulele. Niyabona na? Ngako-ke utsi, “Ngitsandza ematsafa, lapho ngingabona khona khashane.” Yebo-ke, letimvelo letimbili letehlukene, sobabili singemaKhristu.

Kodvwa Babe bekati kutsi niyoba lapha, futsi wanilungisela yonkhe intfo ngaphambi kwekutsi nifike lapha. Ameni. Kufika kwenu kwekucala, lapha, Bekenako sekunilungele ngesikhatsi senifike lapha. Loko akumangalisi na kucabanga kutsi Wenteni na?

⁵⁰ Manje, manje, kodvwa khumbulani, leti titipho tesikhashana kuphela, emfanekisweni. “Manje, siyati kutsi Mosi, ekwakheni litabernakeli ehlane, noma alilungisa, watsi wenta tonkhe tintfo ngekweluhlelo lwaloko lakubona eZulwini.” Niyabona na? Ngako, tintfo tasemhlabeni tiveta kuphela loko tintfo taPhakadze letingiko. Futsi uma lomhlabo lesiphila kuwo namuhla, umkhulu kangaka, njengoba siwutsandza; futsi sitsandza kuphila, futsi siphefumule umoya, futsi sibone timbali netintfo; uma—uma loko, uma loku lapha kukukuveta, lelo lelifako liveta lelo leliPhakadze. Uma nibona sihlahla sizabalaza, sidvonsa, sitama kuphila, loko kusho kutsi kukhona sihlahla ndzawanatsite lesingadzingi kutsi sente loko.

Uma ubona umuntfu lapha, azabalazela kuphila, umuntfu lotsite esibhedlela, noma asembhedzeni wekugula, noma asengotini, azabalaza, nekukhohlotela kwekuifa kusemphinjeni wabo, futsi badvonsa, futsi bakhala, futsi bamemetela kuphila, kusho kutsini loko na? Kukhona indzawo, ndzawanatsite, kunemtimba longazabalazi futsi umemetele loko. Niyabona na? Awukwenti nje.

⁵¹ Manje, titipho tesikhashana kitsi, letintfo leti, tiveta kuphela kutsi ukhona Lolapho LonguloPhakadze. Nguloko Jesu lahambele kuyokulungisela, Lowo loPhakadze wetfu. Manje,

kuphela tiveta kutsi kukhona lolukhulu kakhulu lweluhlobo lolufanako, ngoba leti tiluhlobo lolufanako.

⁵² Manje, khumbulani, liBhayibheli latsi, “Uma lelidvokodvo lasemhlabeni lekuhlala kwetfu, uma libhubha, libhidlitwa, sinalo leselivele lilindzile.”

Njengemntfwana nje lomncane, emamasela akhe lamancane, kumake, ayantjikita futsi ayagucuka. Futsi, kodvwa nje... Niyabona na? Futsi niyacaphela, ungatsatsa wesifazane, uma onakele kakhulu sibili; kodvwa uma sekaba ngumake, sikhashana nje ngaphamphi kwekutsi loyomntfwana atalwe, kukhona umusa ngalowesifazane. Yani ngakuye, sonkhe sikhatsi kubakhona intfo letsite, ulunge kakhulu. Ngani na? Kukhona umoya wengelosi lomncane ulungela kwemukela lowomtimba wemvelo. Masinyane nje lapho atalwa, kuphefumula kwekeuphila kungena kuye. NaNkulunkulu uwuphefumulela ekhatsi lapho, futsi uba ngumphefumulo lophilako. Manje, utsi nje lomntfwana angatalwa, khona-ke umtimba wakamoya ulapho kumemukela.

Futsi manje, uma lomtimba udzilikela lapha, kulomhlaba lona, njengemntfwana udzilika, kanjalo futsi kukhona umtimba longafi lolindzele kwemukela umoya ubuyele uyongena kuwo lucobo futsi. O, intfo lenkhulu kangaka pho! Manje sisikuKhristu Jesu, (ameni), tinswane, tinswane kuKhristu, bantfwana baNkulunkulu, silindzele kukhululwa lokugcwele, ekuBuyeni kweNkhosi yetfu Jesu, u...kusemukela senyuukele kuYe lucobo, uma umtimba, lona lofako, uyotsatsa longafi.

⁵³ Lokufana, tonkhe letintfo Latenta, kuveta tintfo letitokuta. Njengoba nje umtimba ungakunika lapha, lapho nje lomtimba, Wakunika kutsi uphile kuwo, kuveta kuphela kutsi ukhona lomkhulu kakhulu, noko, lotako. Niyabona na? “Uma sitfwala, noma sitfwele umfanekiso wewasemhlabeni, kanjalo siyotfwala umfanekiso wewaseZulwini,” longaphatsi bubi kulona lotako. Manje, lona uphatsta bubi, kugula, kufa, lusizi. Ngisandza kuveta nje lapha, kungesiko kadzeni, ngishumayela ngekutsi *INgucuko YeLivi LaNkulunkulu*, kutsi u—ukanjani lomtimba, unebubi kuwo.

⁵⁴ Nay o yonkhe lemphucuko yesimodeni lesiphila kuyo yadeveli. Anikukholwa loko na? LiBhayibheli litsi ingiyo; lomhlaba, wonkhe hulumende. Asifuni kukukholwa loko. Kodvwa liBhayibheli likubeka ebeleni ngalokucacile, kutsi wonkhe hulumende, wonkhe umbuso walomhlaba, uphetfwe ngudeveli futsi ubuswa ngudeveli. Jesu watsatfwa nguSathane, etulu, futsi waMkhombisa yonkhe imibuso yelive lowawukhona, lowawuyobakhona, nalokunye. NaSathane wayitsatsa ngekutsi, yakhe, naJesu akazange aphikisane naye, ngoba ungunkulunkulu walomhlaba. Niyabona na? Futsi watsi, “NgitoKunika yona uma Utokuwa phansi futsi ukhuleke kimi.” Niyabona na? Beketama kuyinikela kuJesu, ngaphandle

kwemhlatjelo. Niyabona na? Kwakukuganya lebekatoMentela kona.

Kodvwa umhlaba wawonile. Ngako, inhlawulo yesono kwakukufa, futsi Bekafanele afe. Kungako Nkulunkulu wabonakaliswa enyameni, kuze Atsatse kufa kube kuYe, kukhokha inhlawulo. Ayikho intfo letobuya. Ayikashaywa luhawu. Ngekwelucobo, ikhokhelwe ngesihle. Sonkhe sikweneti sibhadelwe. LingelaKhe manje. Futsi sititfunywa teMbuso waKhe, sibutsene lapha ndzawonye kusihlwa, eGameni laJesu Khristu iNkhosi yetfu, sihleti etindzaweni taseZulwini.

⁵⁵ Manje, kulelive lesiphila kulo, lemfundvo, ngifuna kukufakazela kini, imfundvo, isayensi, imphucuko, nato tonkhe letintfo leti lesibonakala sitjabulela kakhulu namuhla, taSathane, futsi titobhubha. Wena utsi, "Mnaketfu Branham, imphucuko?" Yebo, mnumzane. Lemphucuko ita ngaSathane. Genesisi 4 uyakufakazela. Indvodzana yaKhayini, niyabona, yacala lemphucuko lena, yakha emadolobha, nema-ogani, kanjalonjalo. Nemphucuko yeta ngekwati. Lwati nguloko develi lakutsengisela Eva, ensimini yase-Edene, leyambangela kutsi agogeke, ece umyalo waNkulunkulu.

Ngako kutobakhona imphucuko kulelive lesiya kulo, kodywa ingeke ibe nguloluhlobo lolu lwemphucuko, ngoba kulemphucuko sinekugula, lusizi, inkhanuko, kufa, yonkhe intfo kulemphucuko, ayikalungi. Kodvwa kuleyomphucuko akuyubakhona ngisho nalokukodvwa kwaletintfo leti. Asiyuyidzinga isayensi.

Isayensi iyimphendvuketelo yekwasekucaleni, empeleli. Niyabona na? Nihlakata i-molekhuli, kuhlakata ema-athomu futsi nente *kutsi-nekutsi*, kutsi nitichumise. Nitsatsa umsizi wesibhamu, nichumise *loku*, kutsi nibulale intfo letsite. Nitsatsa imoto. Futsi nikhiphe gasolina emhlabatsini, netintfo tekusebenta nitikhiphe emhlabatsini, kutsi nitsambise tintsambo, kuze kuchumise. Bese nehla ngemgwaco ngelitubane lelingemamayela langemashumi layimfica ngeli-awa, futsi nibulale umuntfu. Niyabona na? O, nineluvalo kakhulu, nimpintje, futsi nisheshise; sifanele sifuce, sitsatse. O! Niyabona na? Konkhe kwadeveli.

UMbuso waNkulunkulu awuyuba nato timoto, tindiza, kumbe noma nguyiphi yetimphumelelo tesayensi. Cha. Awuyubanamfundvo, nhlobo. Kuyoba yimfundvo lephakeme kakhulu impela kunalena, kutsi lena ingeke ngisho ike icatjangwe. Niyabona na? Imfundvo, imphucuko, nako konkhe loku, kuvela kuSathane.

Manje, wena utsi, "Mnaketfu Branham, ufundzelani, pho?"

⁵⁶ Niyabona, kufana nekutsi nje, ngitigcokelani timphahla manje? Emphucukweni lebeyitofika, leyo lebeyisekucaleni, bebangadzingi kwasatimphahla. Bebambywe ngeveyili.

Bebete sizatfu sekugcoka timphahla, ngoba bebangati kutsi bebangcunu. Manje nine... Manje nitfola, kutsi, nyalo, ke, kutsi siyati kutsi si—si—si—singcunu, sono sihlala lapha, ngako-ke sifanele sigcoke timphahla. Kodvwa kwakungenjalo ekucaleni; kwakungekho sono. Niyabona na?

⁵⁷ Manje, intfo lefanako isendleleni yemphucuko, ngako konkhe. Siyafundza, siyabhalala, senta loku, kodvwa ningalokotsi nilandzele kuloko. Ningalokotsi nikwente loko kube ngunkulunkulu wenu, ngoba loko ngunkulunkulu webukhomanisi. Niyabona na? Akusiko kwajesu Khristu.

⁵⁸ Jesu Khristu ungekukholwa; hhayi loko longakufakazela ngekwesayensi, kodvwa loko lokukholwako. Ngingeke nganifikazela ngekwesayensi nine, kusihlwa, kulesakhiwo, kutsi kunaNkulunkulu, kodvwa noko ngiyati kutsi Ulapha. Kodvwa, ngekukholwa kwami, kuyakucinisekisa.

Abrahama bekangeke akufakazele ngekwesayensi kini kutsi bekatoba nemntfwana kulowo wesifazane, futsi yena asasondzele eminyakeni lelikhulu budzala. Kodvwa kukholwa kwakhe kwakucinisekisa. Niyabona na? Akadzinganga sifakazelo sesayensi. Ngani, i...Ngani, dokotela bekatotsi, “Lelikhehla liyahlanya, ngephandle lapha litsi litoba ne—nemntfwana ngalowo wesifazane; lona lineminyaka lelikhulu budzala, naye anemashumi layimfica.” Kodvwa, niyabona, Nkulunkulu washo njalo, ngako akubiti isayensi. Kubita kukholwa, kukholwa Livi laNkulunkulu, hhayi isayensi.

⁵⁹ Ngako, tikolwa tetfu netintfo tikuchuma nje. Njengoba, Nkulunkulu akazange atsi, “Hambani nente tikolwa,” noma ngisho, “nibe netikolwa teliBhayibheli.” Niyakwati loko na? [Libandla litsi, “Ameni.”—Umhl.] Watsi, “Nishumayele Livi.” Kunjalo impela. Tinchubo tetfu tetemfundvo tisitsetse tasikhweshisela khashane le naNkulunkulu kunanoma yimi lenye lengati ngayo, kunjalo, sikhweshe kakhulu kuNkulunkulu. Akusiko kwakha tikolwa, tibhedlela, kanjalonjalo; loko kwakukwelive nekwalelocembu. Kodvwa, angikamelani ngalutfo nabo; badlala indzima yabo nabo, kodvwa loko kusasolo kungesiko loko.

Sakha sibhedlela, kahle kakhulu, futsi sisebente ngemutsi londlula yonkhe lesinayo, netinkhulungwane tifa nsuku tonkhe kuso. Kodvwa, o, hhe, eMbusweni waNkulunkulu, akukhokufa, akukho sizi. Ameni. Akukho sidzingo saletintfo leti telive. Kodvwa sesendlulile kulentfo, sangena emaciniswemi aNkulunkulu; lapho sizabalaza khona kamatima kakhulu kutama kutfola, ngesayensi. Futsi ngesikhatsi sigcwala busayensi kakhulu, ngulesikhatsi sitiletsela kufa kakhulu kitsi. Silwa imphi leyehlulekako lapho, ngako tikhulule kuyo. Futsi ngekukholwa, asikholtwe Jesu Khristu iNdvodzana yaNkulunkulu, kusihlwa, futsi siMemukele. UnguYe.

⁶⁰ Inilungiselela ini isayensi na? Kufa lokunengi. Kunjalo. Tiputniki nayo yonkhe intfo yenyuka, tonkhe letintfo leti, kusabalalisa kufa nayo yonkhe intfo emhlabeni wonkhe. Ningakubuki loko. Gucula inhloko yakho iphakame kakhulu kunaloko, ibheke ngaseZulwini. Buka lapho Jesu ahleti khona, “Ngesekudla saNkulunkulu,” kusihlwa, “aphilela njalo kwenta kuncusa lokunengi ekuvumeni kwetfu,” kwaloko lesikukholwako, Livi laKhe liliCiniso.

⁶¹ Manje, siyatfola, lokuphila loku kuphetse tonkhe tinhlobo tebubi, ngako ngenga yaloko kuphila lokutako kungeke kube nako. Loku kunenhanuko, nekugula, kufa. Ngoba, kuyini na? Akusyo indlu Laye kuyoyilungisa. Lena yindlu yetimphehla. Bangakhi labatiko kutsi yini indlu yetimphehla na? [Libandla litsi, “Ameni.”—Umhl.] Impela. Yebo-ke, ngulapho lawuphila khona. Indlu yemphehla kulapho babeka khona bonkhe bantfu labanetifo. Yebo-ke, loko nguloko nje sono lesikwente kitsi, sisifaka endlini yemphehla yasemhlabeni. Nani ngabe...Bebangavumeli noma ngumuphi lomunye umuntfu angene endlini yemphehla, ngoba kukhona tonkhe tinhlobo temagciwane lahamb’andiza ekhatsi lapho, ne—nebantfu bayotsatsa lamagciwane futsi—futsi bagule, bona lucobo. Nesono sasifaka endlini yemphehla yadeveli.

⁶² O, kodywa lelenye ibitwa nge, “Likhaya laBabe waMi.” “Ngitohamba nginilungisele indzawo. Nginikhipe kulendlu yemphehla futsi nginikhulule ningene eKhaya laBabe waMi.” Amen. Nako laph’ukhona; nginikhipe kulendlu yemphehla lendzala yasemhlabeni. Uye kuyolungisa indzawo, indzawo lephelele lapho kungekho bubi lobukhona, kungekho kugula lokukhona, kungekho kuguga lokukhona, kungekho kufa lokukhona.

Kuyindzawo lephelele ikubitela kuloko kuphelela, futsi ufanele uphelele kuze ungene lapho. LiBhayibheli lasho njalo. Jesu watsi, “Ngako-ke banini ngulabaphelele, njengoba Babe wakho loseZulwini aphelele.” NguMbuso lophelele, ngako kufanele kube bantfu labaphelele labetako. Ngoba, nifanele nime futsi nishade neNdvodzana yaNkulunkulu lephelele, futsi nifanele nibe nguMlobokati lophelele. Ngako ningakwenta kanjani nganoma nguyiphi lenye intfo ngaphandle kweLivi laNkulunkulu leliphelele, lokukutsi, “Emanti ekwehlukanisa, lasigeza etonweni tetfu”? Amen. Kunjalo. INgati yajesu Khristu, cabangani ngaLo, lelintfontsako, Livi lelineNgati. Amen. INgati, le—leLivi laNkulunkulu lopha iNgati, kugeza uMlobokati ekhatsi. Amen. Yebo, mnumzane. Ume aphelele, intfombi ntfo, angakacutjwa nalutfo. Akazange sekone, kwekucala nje. Amen. Wakhohliseka kuko. Nyabona na?

Nalo ke liKhaya laBabe Laye kuyolilungisa.

⁶³ Leli lita ngekulalana, futsi nangekuwa, futsi lifanele liwe nekuwa. Akunandzaba kutsi uyiphesha kangakanani lentfo lendzala, litowa, nomakunjalo. Liphelile, ngoba lilahliwe, ngoba Nkulunkulu washo njalo. Liphelile. Nkulunkulu utolibhubhisa. Washo njalo. Kutobanekulungiswa kabusha kwayo yonkhe lentfo. Niyakukholwa loko na? [Libandla litsi, "Ameni."—Umhl.]

Ekucaleni, ngesikhatsi umhlabu ube nekutalwa kwawo, ngesikhatsi Nkulunkulu advonsele emanti emuva, kucala, esuka emhlabeni, njengoba Enta emantini esinyeni samake, kwabakhona umhlabu totalwako. Yebo. Nebantu bacala kuhlala kuwo ngesikhatsi Nkulunkulu ababeka lapho. Base-ke bacala kona. Futsi wabhabhatiswa, ngekucwiliswa, etinsukwini taNowa. Wase-ke ungcweliswa yiNgati yeMdali intfontsel a etikwawo.

Futsi manje nguleyondlela lenifika ngayo, ngekulungisiswa, kukholwa Nkulunkulu. Nabhabhatiselwa ekuphendvukeni, noma, kuko, kutsetselelwa kwetono tenu. Nativuma tono tenu embikwaNkulunkulu, futsi Wanitsetselela ngaso. Futsi wabhabhatiswa, kukhombisa kutsi wawukadze, wawukadze sewutsetselelwe; uvuma kubantfu, futsi ukhombisa eveni, kutsi uyangholwa kutsi Jesu Khristu wakufela. Futsi wena... Watsatsa indzawo yakho, futsi wena uma endzaweni yaKhe. Uba nguwe, kuze wena ube nguYe.

Kwase kutsi-ke emandla aNkulunkulu langcweisako ahlanta yonkhe imikhuba yaphuma emphilweni yakho. Wawuvamise kubhema, kunatsa, wenta tintfo lengakalungi, ukhulumu emanga, yonkhe intfo. Ase ke emandla langcweisako eNgati yaJesu Khristu angena emphilweni yakho futsi asusa tonkhe tintfo kuwe. Uma kwenteka usho intfo lengakalungi, masinyane utsi, "Awume kancane. Ngicolele. Beningakacondzi kukusho kanjalo." Niyabona na? Develi unashochaka lohleti lapho. Kodvwa unemusa wekubuya, uma ungumKhristu sibili, utsi, "Bengineliphutsa." Yebo. Ngako, ngako-ke, manje, i...

⁶⁴ Manje, intfo lelandzelako loyemukelako, kwaba ngumbhabhatiso waMoya loNgcwele neMlilo.

Manje, Nkulunkulu, uma lesikhatsi seminyaka leyinKulungwane sesendlulile, Nkulunkulu utonika lomhlabu umbhabhatiso wemlilo. Utachumisa yonkhe lentfo. "Emazulu nemhlabu kuyosha." Phetro washo njalo. Nalentfo iyoba nemhabhatiso wemlilo, kulungiswa kabusha kwayo yonkhe lentfo. Kuyobese-ke sekubakhona emazulu lamasha nemhlabu lomusha. Loko kutsi, ngesikhatsi, lapho kuhlala khona lokulungle.

Ngulapho lasikhona. Sesisuke ekubeni tidalwa letifako, ekubeni tidalwa tesikhatsi, saya ekubeni tidalwa taPhakadze. Ngesikhatsi Livi laNkulunkulu lokhela imiphefumulo yetfu,

futsi siba madvodzana nemadvodzakati aNkulunkulu, netincenyé, sakhi-lufuto saNkulunkulu sikitsi, kutsi sibe madvodzana nemadvodzakati aBabe, Nkulunkulu eZulwini, simemeta, “Aba, Babe! Nkulunkulu wami, Nkulunkulu wami, eKhaya laBabe wami.”

⁶⁵ Manje, lomhlaba lomdzala ufanele uwe, ngoba ute ngekulalana. Futsi lita ngekungalaleli, ekucaleni. Futsi satalwa lapha ngekulalana, ngekuwa, futsi ufanele ubuyele emuva ngco ngendlela lefanako, ekuweni. Kodvwa wona Lanilungiselela wona manje, ungeke uwe, ngoba Uwenta kanjalo. “Ngijo...”

Kube besidzingeke nje kutsi sihlale kuloluhlobo lolu lwemtimba ke? Anijabuli yini kutsi kukhona intfo lenjengekuwa na? [Libandla litsi, “Ameni.”—Umhl.] Manje akumangalisi loko na? Kodvwa manje, ake sitsi, kwenta sibonelo nje...

Eminyakeni lembalwa leyendlulile, ngangingumfanyana, futsi manje sengiyindvodza lesekhatxi nendzima yemphilo. Nginemngani lohleti khona lapho, uMnumz. Dauch, futsi uneminyaka lengemashumi layimfica nakutsatfu budzala, etinsukwini letimbalwa letendlulile. Mbukeni manje. Lengemashumi lamane noma leminye iminyaka lengemashumi lamane nesihlanu, lowo bekuyoba ngimi. Manje beka leminye iminyaka lengemashumi lamane kuye. Bewungayaphi na? Intfo kuphela...

⁶⁶ Ngiyajabula kutsi kukhona intfo lesikhapha kulendlu yemphehla. Kukhona umnyango lovulekile, futsi ubitwa ngekuwa. Jesu ume kulowomnyango. Ameni. Uyongicondzisa ngesheya kwemfula. Uyongitsatsa angendlulise kulowomnyango. Kunemnyango lomkhulu lome ngaleyá, lobitwa ngekuwa. Futsi ngaso sonkhe sikhatsi uma inhlitiyo yakho ishaya, usondzela ngekushaya lokukodvwa kuwo. Futsi ngalelinye lilanga ngifanele ngifike kulowomnyango. Nifanele nifike lapho. Kodvwa uma ngifika lapho, angifuni kuba ligwala. Angifuni kumpongolota futsi ngidedede emuva. Ngifuna kufika kulowomnyango, ngitivunulise ngetingubo tekulunga kwaKhe (hhayi tami), taKhe.

Ngaloku ngiyati, kutsi, “NgiMati emandleni ekuvuka kwaKhe ekufeni.” Kutsi, uma Abita, ngiyophuma emkhatsini walabafile, kutsi ngibe naYe, ngiphume kulendlu yemphehla. Noma ngukuphi lapho lomtimba ungawela khona, futsi noma ngukuphi la ungahle ume khona, noma ngabé kuyini, ngiyophuma ngalelinye lilanga tsite, ngoba Wangetsembisa Lona. Futsi siyakukholwa. Yebo, mnumzane. Wenta Lowo longenakuwa.

⁶⁷ Caphelani kutsi ukanjani make lokhulelwé, emhlabeni namuhla, kutsi umtimba wamake uhalela kanjani tintfo letitsite. Ngiyakhulumá, ngiyacabanga futsi ngiyetsema, kubo bonkhe labadzala labatocondza. Make, ekutalweni kweluswane, uma

kukhona intfo leshodako emtimbeni wakhe, ucala kuhawukela intfo letsite. Bukan kutsi babe ukanjani . . .

Ngiyakhumbula sakhuliswa, singumndeni lophuye kabi, futsi—futsi cishe impela besingenalutfo lesitoyidla ngesikhatsi sisebokhewana. Labanengi benu bebahlupheka ngaleyontfo lefanako.

Ngako kutsi kanjani kutsi, ngesikhatsi, ngaphambi kwekutsi tinswane titalwe, make bekahawukela intfo letsite. Nababe bekavele nje ancinte emakona, yonkhe intfo, kutsi amtfolele yona. Niyabona na? Nguye, umtimba, umtimba wakhe, i-khalsiyamu kanjalonjalo yemtimba wakhe, netakhamtimba latidzingako. Junie uyakhiwa, niyabona, futsi ukhanuka tintfo, kudla kwemntfwana lotako. Nekutsi kanjani, batali, betama kukutfola kute luswane lutotalwa ngako konkhe ngalokuphelele nekujabula lokungenteka. Niyabona kutsi batali benu bayokwenta kanjani loko? Uma kukhona intfo ledzingekako, make uyaFakaza ngako, niyabona, umgudvu wakhe uyakhiwa. Niyacondza na? [Libandla litsi, "Ameni."—Umhl.] Loko, kutsi kubanjani uma kukhona intfo letsite ledzingekako lapha, kulumntfwana lotako, lo—lomake acala kukhanuka loko.

⁶⁸ Manje, manini umzuzu nje. Kungani sinetimvuselelo na? Kungani sibutsana ndzawonye na? Kungani ngihlala njalo ngekhuta bantfu na? Kungani ngibita nine besifazane bePhentekhostali: "Yekelani kufaka bopende, kutipenda buso, nekuphungula tinwele tenu, netintfo letinjalo"? Kungani ngisho loko na? Ngoba, indlela leyifashini lendzala yephentekosti yayingakavami kwenta loko. Indlela sibili yeliBhayibheli ayisiyo yekutsi kwentiwe loko. Nine lenigcoka letitikhindi netimphahla letiphatselene nebesilisa, niyati yini kutsi liBhayibheli litsi kusinengiso kuNkulunkulu na? [Libandla litsi, "Ameni."—Umhl.] Kodvwa siyakuvumela. Kungani uMoya loyiNgewe uloku umemeta kakhulu na? Uyati kutsi kukhona lokushodako lapho. Sifanele sibe semumeni logcwele waJesu Khristu. Sifanele sibe madvodzana nemadvodzakati aNkulunkulu. Sifanele sitiphatse njengebantfwana baNkulunkulu.

⁶⁹ Kadzeni, kwacocwa indzatjana. Ngacaphela lomunye umnaketfu lolikhatalsi ahleti ngemuva. ENingizimu, bebabamise kutsengisa tigcila. Futsi loku, ngesikhatsi banetigcila entasi lapho, ngesikhatsi kusebugcili, ngaphambi kwekuKhululwa kwabo, yesimemetelo. Futsi bebahamba bayotitsenga, labobantfu, njengoba nje bebangenta emotweni le—leseyisetjentisiwe, umtsengisi. Bebaneluha lwekutsengisa, futsi batsengisa letotidalwa letibanfu kwangatsi nje beba—bebatimoto lesisetjentisiwe. Uneluhla lwalokutsengiswako nabo.

⁷⁰ Ngalesinye sikhatsi umtsengi wefika lapho, umtsengi locashiwe. Futsi bekato...Bekajikeleta lamaplazi lamakhulu bese utsenga tigcila. Futsi wefika kulelikhulu liplazi lelitsite lapho bebaneticgila letinengi, futsi bekafuna kubona kutsi bebanaletingakhi. Futsi tonkhe tatingephandle lapho, tisebenta. Futsi ta—tatidzabukile. Tatikhashane nelikhaya. Tatitase Africa.

Bebatiletse ngalapha. EmaBhunu bekabaletse ngalapha futsi abatsengisa babe tigcila, futsi ngako tatidzabuke kakhulu. Tatati kutsi ngeke tiphindze tibuyele ekhaya futsi. Tatiyohlala futsi tifele kulelive. Futsi bebakadze, tikhatsi letinengi, bebaphatsa tiswebhu futsi batibhacabule. Tatiyimphahla yalomnikati wato, futsi bekenta ngato loko lebekakufuna. Futsi nje ton...Uma asibulele, usibulele. Futsi uma yena, noma ngabe kwakuyini, bekawenta nje. Lobo bugcila, njengoba Israyeli bekanjalo, na—naletinengi titive tatiletfwе ebugcilini. Futsi bebatsatsa letotigcila letiphuyile. Tatikhonta nje. Tatikhala, niyati, ngaso sonkhe sikhatsi, futsi tidzabukile.

⁷¹ Kodvwa bacaphela sinye saletotigcila, umfo losemncane, bekafcele sifuba embili, inhloko yakhe ibuke etulu *kanjalo*. Bebangadzingi kutsi basibhacabule. Bebangasitjeli kutsi asenteni. Ngako lowomtsengi locashiwe watsi, “Ngifuna kutsenga *lesa sigcila*.”

Watsi, “Asitsengisi.”

Watsi, “Ngingatsandza kusitsenga.”

Watsi, “Cha. Asitsengisi.”

Watsi, “Ngabe singubasi wato tonkhe na?”

Watsi, “Cha.” Watsi, “Asisuye basi. Sisigcila.”

Watsi, “Yebo-ke, mhlawumbe usondla ngalokwehlukile kunanawondla tonkhe leletinye.”

Watsi, “Cha. Tonkhe tidla ngephandle lapho ekamelweni lekuphakela, ndzawonye.”

Watsi, “Yini leyenta lowomfana ehluke kakhulu kangaka kunato tonkhe letinye na?”

Watsi, “Nayi intfo yinye. Ngake ngamangala sikhashana, nami. Kodvwa lowomfana, wetive e-Africa, kodvwa e-Africa uyise uyinkhosи yesive. Futsi, naloku nje, anguwetive akhashane nelikhaya. Utiphatsisa kwendvodzana yenkhosi. Uyati kutsi, ngesheya kwelive, kutsi uyise uyinkhosи yesive. Futsi manje indlela latiphatsa ngayo, ngoba uyati kutsi uyindvodzana yenkhosi.”

⁷² O, mnaketfu, dzadze, wena nami, kulelive lesiphila kulo, asitiphatsise kwemadvodzana nemadvodzakati aNkulunkulu. Sibetive lapha, kodvwa kutiphatsa kwetfu kufanele kuhambisane nemiyalo yaNkulunkulu, kutsi singemadvodzana

nemadvodzakati aNkulunkulu. Kutiphatsa kwetfu, sifanele sinyakate futsi sente, nayo yonkhe intfo, ngekuhambisana naloko imitsetfo Nkulunkulu layendlalile.

“Futsi kusinengiso kuwesifazane kutsi agcoke sembatfo lesiphatselene newesilisa.” Kuliphutsa futsi kusono, “Kutsi yena ahhule tinwele takhe,” liBhayibheli lasho njalo, “kuyintfo lengakavami kuye kutsi ngisho akhuleke.”

Wena utsi, “Utsini ke ngaloku na?”

⁷³ Lomunye wangilandzela; lomkhulu, umshumayeli lowatiwako, kungesiko kadzeni. Watsi, “Mnaketfu Branham, wota. Ngifuna kukubeka tandla.” Watsi, “Utoyona inkonzo yakho.”

Ngatsi, “Ini?”

Watsi, “Nawutsetsisa labobantfu kanjalo.”

Ngatsi, “Ngisho i . . .”

Watsi, “Ngiyakukholwa loko.” Watsi, “NgiyiPhentekhostali, nami. Ngiyakholwa kutsi besifazane abakafaneli kuba netinwele letimfishane, abakafaneli bafake bopende, naletintfo leti letinjalo indlela labenta ngayo, bapende buso babo.” Watsi, “Abakafaneli kutsi bakwente loko. Kodvwa,” watsi, “Nkulunkulu wakubitela kutsi ukhulekele labagulako.”

Ngatsi, “Wangibitela kutsi ngishumayele liVangeli.” Ya.

Wase utsi, “Ngiyakholelwa kuloko. Kodvwa,” watsi, “ucabanga loko?”

Ngatsi, “Ya. Buka kutsi unani, tonkhe letinhlelo leti letinkhulu, bomabonakudze, nako konkhe lokunye. Anginalutfo kodvwa Nkulunkulu kutsi ngiphendvule kuye.” Kunjalo. Ngatsi, “Anginalutfo kodvwa Nkulunkulu kutsi ngiphendvule kuye.”

Watsi, “Ngi—ngi—ngi . . . Utoyona inkonzo yakho.”

Ngatsi, “Noma nguyiphi inkonzo Livi laNkulunkulu leliyoyona, ifanele yoniwe.” Kunjalo. Impela. Kunjalo impela.

Watsi, “Yebo-ke, utoyona.”

⁷⁴ Ngatsi, “Ngubani lotoLikhuluma ke? Niyabona na? Ukhona lotofanele aLisho. Ukhona lotofanele amele loko lokuliCiniso, akunandzaba kutsi Lilimatani.” Futsi bangani, njengemKhristu, njengebantfu labakholwa kutsi siya eZulwini, uMoya loyiNgewelete lucobo Lwawo utosifanekisa eVini laNkulunkulu.

Watsi, “Uyati kutsi bewufanele wenteni?” Watsi, “Bantfu bakukholwa kutsi ungumprofethi.” Watsi, “Bewufanele ngabe ufundzisa laba besifazane kutsi titfolakala kanjani tiphiwo tesiprofetho netintfo letinjalo, naletinkhulu, tintfo letiphakeme kakhulu esikhundleni setintfo letincane.”

⁷⁵ Ngatsi, “Ngitobafundzisa kanjani tibalo tabongwaca babe bangakwati ngisho kufundza bo ABC babo? Uma bangeke bakhone ngisho kwenta intfo lelula, niyabona, intfo yemvelo, utobatjela kanjani tintfo letiphakeme?” Uma ungeke ukhone ngisho kucala e... Ufuna kufinyelela etulu eladini ngaphambi kwekutsi ufiike ekucaleni. Ngulesosizatfu uwa. Niyabona na?

Cala phansi ekugcineni, bese uyacanca uyetulu lapho Nkulunkulu asakuholela etulu. Niyabona na? Bhekana nemphilo yakho bese ulandzela njalonjalo konkhe nalokuncane kweLivi Nkulunkulu lalimisele wena kutsi ulente.

⁷⁶ Manje cabangani kutsi kanjani Nkulunkulu... Sifanele sitiphatsi futsi sente njengemaKhristu. Kutiphatsa kwetfu kufanele kube njengemaKhristu. Ngoba, sibetive lapha. Leli akusilo liKhaya letfu. Cha. Sabekwa nje lapha, kwesikhashana. Sifanele sihambe, sonkhe, kusihlwia.

⁷⁷ Manje cabangani. Uma Nkulunkulu, esihawini saKhe, unamake, ngaphambi kwekutsi luswane loluncane lutalwe, lukhanuka livithamini lelitsite, nemavi amake liyakhulum, “Babe, ngi—ngi—ngifuna likhantalophu, noma lihwabha. Ngifuna intfo letsite, lenye.” Kuphuma...Ngani, uyokwenta konkhe langakwenta, kutsi akutfole loko, ngoba uyati kutsi ufuna umntfwanakhe atalwe aphelele nje ngako konkhe. Niyabona na? Futsi uyokwenta konkhe lakhona kukwenta, kutsi akutfole.

⁷⁸ Ukhona kakhulu kangakanani-ke Yena, kukutfola! UnguMdali. Manje cabangani kutsi Ukwati kanjani, kusilungisela umtimba, kutsi siphile njengemtimba waKhe luCobo lonenkhatimulo, uma sifuna kuphila. Kukhona lokutsite kitsi, lokubitako, kutsi siphile. Futsi kukhona intfo letsite ekhatsi kitsi lebita kutsi sente lokulungile. Khona-ke Nkulunkulu utobita lomunye umuntfu ngembili, noma ipulpiti, lotoshumayela liCiniso sibili. Ngani na? Niyabona na? Kuyakukhombisa. Ngako-ke, uma ungumntfwana waNkulunkulu mbamba, uyacala umemeta kakhulu, “Nkulunkulu, kususe kimi. Ngisoke kuloku. Susa letintfo leti kimi.” Ngani na? Kudzingekela liKhaya lakho lasezulwini loya kulo, lapho Aye khona kuyolungisa. Ufanele ube nguwangempela uMlobokati loLivi waKhristu.

⁷⁹ Bengishumayela ebusukwini lobumbalwa lobendlulile ngemhlatjelo, ngetinsuku tekubuyisana. Bengishumayela ngendzawo lekuphela kwayo Nkulunkulu, liBandla lelikuphela kwalo Nkulunkulu layohlangana nemuntfu kulo, naloko kusekhatsi, Watsi, indzawo Labeka kuyo liGama laKhe. Watsi, “Ngingeke nighlangane nabo kunoma nguyiphi lenye indzawo kodywa lendzawo, lisango leNgifake kulo liGama laMi.” Manje, Akahlangani nawe esangweni leMethodisti, lisango leBaptisti, noma lisango lePhentekhostali, noma nguliphi lawo. Kodvwa

Wafaka liGama laKhe eNdvodzaneni yaKhe. Watsi, “Ngeta ngeliGama laBabe waMi.”

Noma ngumuphi umuntfu lotako, nanoma ngumuphi umntfwana, uta ngeligama leyise. Yena... Ngita ngeligama laBranham, ngoba babe wami bekanguBranham. Nawe uta ngeligama lakho ngoba lelo kwakuligama lababe wakho.

NaJesu, iNdvodzana, yeta ngeliGama leYise. Futsi Watsi Wabeka liGama lakhe, “Kulelisango leNgifaka liGama laMi kulo, lowo kwakungumhlatjelo.” Futsi kuJesu Khristu nguyona ndzawo kuphela loyoke utfole inhlanganyelo nekukhonta kuNkulunkulu.

Wena utsi, “Yebo-ke, ngikhonta ebandleni.” Loko akwenti nalokukodvwa kwehluka. Ufanele ube kuKhristu.

Lomunye umshumayeli lotsite welihlelo, ngalolobunye busuku, watsi kimi, watsi, “Mnumz. Branham, buka lapha. Jesu watsi, ‘Loyo lokholwako.’ LiBhayibheli latsi, ‘Loyo lokholwako kutsi Jesu Khristu uyiNdvodzana yaNkulunkulu, utelwe nguMoya waNkulunkulu.”

⁸⁰ Ngatsi, “Alisho yini liBhayibheli futsi, kutsi, ‘Akekho longatsi Jesu unguKhristu, kuphela ngaye Moya loNgcwele?’” Niyabona na? Ungeke wenta liBhayibheli licambe emanga. Lifanele lihhukeke ekhatsi ngco.

Ngako ufanele utsalwe kabusha impela, ngaMoya loyiNgewelete kuwe, lofakaza kuvakale, wena lucobo, uyati kutsi UyiNdvodzana yaNkulunkulu. Futsi-ke umaunjalo, nencenye; uma ungumntfwana waNkulunkulu, eVini laNkulunkulu; ungaliphika kanjani Livi na? UMoya loyiNgewelete ungakwenta kanjani kutsi wena ukholwe sivumokholo, kutsi ufanele wente intfo letsite *kanjena*, libe liBhayibheli lisho lenye intfo na? “Sifanele sijoyine libandla, futsi sente *loku*, noma sente *lokwa*,” libe liBhayibheli ngalokucacile likutjela kutsi yentani na? Niyabona na? Bese-ke uma ukubona Loko, bese ugcumela kuLo ngco, ukanye naLo ngco ke. Chubeka nje wenyuuke ngco, futsi nje ukhule.

Njenge-nge-ngesakhi-mtimba singena esinyeni sewesifazane nelicandza. Bese kutsi-ke uma lelocandza lelincane licala kukhula, futsi licala kuveta takhi-mpphilo, alibeki sakhi-mpphilo sinye yemunfu, nesakhi-mpphilo senja, nesakhi-mpphilo senkhomo. Libeka sonkhe sakhi-mpphilo semunfu.

⁸¹ Futsi uma umntfwana waNkulunkulu, uma leyo lemiselwe ngaphambili... Lelo ligama lelibi kulisebentisa, kodvwa nguNkulunkulu. Nali liBhayibheli laNkulunkulu. Lwati lwangaphambili lwaNkulunkulu lungamisela ngaphambili, wente yonkhe intfo ise bentele ludvumo lwaKhe. Uma leyombewu lemiselwe ngaphambili, lowawutoba ngiyo, naNkulunkulu wakubita, nalolokhozi loluncane lwentalo

ekhatsi lapho lweva Livi laNkulunkulu, lutokwakha etulu, Livi linye etikwalelinye, etikwalelinye, etikwalelinye. Lingake Licubane nanoma ngusiphi sivumokholo.

⁸² Caphelani. “Kulamasango lawa, nsuku tonkhe, bebafanale badle lucetu Iwesinkhwa lolusha i-kosha. Futsi kwakungekhomvubelo letfolakala emkhatsini wabo, kuletinsuku letisikhombisa.” Ngabe kunjalo na? [Libandla litsi, “Ameni.”—Umhl.] Iminyaka yelibandla lesikhombisa, ngalesosikhatsi, kungekho lokungenamvubelo, kungekho sivumokholo, kungekho lutfo lolwengetiwe. Kutofanele kube sinkhwa lesingenamvubelo lucobo. “Akukho mvubelo leyotfolwa emkhatsini wenu, nhlobo.” Nje lokunemvubelo, Livi cobo IwaLo, nguloko kuphela. NaleloLivi nguNkulunkulu. NaNkulunkulu waba yinyama, kuMuntfu waJesu Khristu, lokukutsi, lelo liSango. “Nalo liSango leNghihlangana nani kulo, kutokhonta, uma nilandzela imiyalo yaNkulunkulu.”

⁸³ Ngako-ke, uma utsite, kusihlwa, ute nje, watsi, “Nginikela kuJesu Khristu kuphila kwami,” futsi ungakaze wemukele Moya loNgewe; ngena kuLo. Ufanele ukwente. Ufanele ukhulele kuLo. Ucele Nkulunkulu elakanyise Livi etikweLivi, kanjalo, uze ube ngumumo logcwele wendvodzana yaNkulunkulu, noma indvodzakati yaNkulunkulu.

Kutsatsa tintfo telive na? Johane wekuCala utsi, “Uma nitsanza live, noma tintfo telive, kungoba lutsandvo IwaNkulunkulu alukho ngisho nakini.” Nidukisiwe. Ninelutsandvo lwelive lapho, futsi lunidukisile, develi unidukisile, ngekwelakanyisa tintfo etikwalapho, futsi anikhombisa. Niyabona na? Ningake...Yebo-ke, ngako-ke, ningeke nasusa ngisho nalinye Livi laNkulunkulu eBhayibhelini.

Yini leyabangela sono sekucala na? Hhayi nje ngemanga lamakhulu lasebaleni bha, kodvwa ngoba Eva wahlaneketela, develi wakwenta kuye, Livi linye. Livi linye, lagamula luketane, futsi wala kutsatsa Livi linye. Loko kwakukucala kweliBhayibheli.

Jesu wefika ekhatsi nekhatsi neliBhayibheli. Watsi, “Umuntfu angeke aphile ngesinkhwa sodvwa, kodvwa ngalo lonkhe Livi lelip huma emlonyeni waNkulunkulu.” Lelo ngilo lonkhe Livi laNkulunkulu. Niyakholwa kutsi *Leso* sambulo saKhe na? [Libandla litsi, “Ameni.”—Umhl.] Lonkhe Livi laNkulunkulu.

Bese-ke, eSambulweni sema 22, Jesu weta kuJohane, esichingini sasePatmose. Futsi Jesu, “Mine Jesu ngitfumele ingelosi yaMi kufakaza ngaletintfo leti.” Niyabona na? “Loyo loyosusa Livi linye kuLeli, noma engete livi linye kuLo, Ngiyosusa sabelo sakhe eNcwadzini yekuPhila.”

⁸⁴ Akusiko nje kutsi, “Yebo-ke, ngi—ngiyamkhola wa Jesu Khristu, iNdvodzana yaNkulunkulu.” Loko kulungile. Wase-ke wengeta konkhe kwaLo kuko. Wena utsi, “Ngilungisisiwe. Ngelekelela umfundisi. Ngiyakhola kuJesu Khristu.” Khona-ke ufanele utalwe kabusha. Ufanele ugcwaliswe ngaMoya loNgcwele. Niyabona na? Wena banisolo wengeta nje, lapho usachubeka nekuhamba. Ukhulela emumeni wendvodzana nendvodzakati yaNkulunkulu. Hhe!

Nkulunkulu, uyakhona kusilungisa, nekusiniketa loko kulambela lokutsite emphilweni yetfu, kutsi kukhona lesifuna kukubona. Bangakhi ekhatsi lapha lofuna lokunengi kwaNkulunkulu na? [Libandla litsi, “Ameni.”—Umhl.] Ngani, kuyakhombisa kutsi linengi lenu. Niyabona na? Nilambela lokutsite. Imihelo yenu lemincane iyeta. Niyabona na? Nidzinga lokunengi, kuze sijabule, futsi sikhululeke, futsi siphelele. Sifanele sibe njalo.

⁸⁵ Njenga—ngalesincane—sakhi-mphilo lesincane sekuphila i... esifubeni saNkulunkulu, njengekutsi nje, nalesakhi-mphilo sise bo... esifubeni samake. Nkulunkulu uyakhula; futsi uyahamba, uhambile, kuyosilungisela indzawo, indzawo yaPhakadze naYe lucobo; hhayi indzawo lapho kukhona khona indlu yemphehla, lefako, sono, kuphinga, nalokumanyala elive lapha. Uma ingcondvo yakho ikuloko, ikhombisa kutsi ayikaze ifike ekuchumaneni naNkulunkulu. Niyabona na? Usetjentiwe. Unenkhohliso yengcondvo.

Ujoyina libandla nje futsi utsi, “Yebo-ke, ngiwaku *leli*. Make wami bekawaku *lela*.” Loko kungahle kube kwakulungile ngelusuku lwamake wakho, kodvwa siphila kulolunye lusuku.

⁸⁶ Umlayeto waWesley wawungeke...Bekangeke akhone nje kutsatsa Luther. Luther bekakholelwa ekulungisisweni, kodvwa Wesley bekanekungcweliswa. EmaPhentekhostali eta, bekangeke atsatsate nje kulungisiswa, kungcweliswa. Wona, kwase kusikhatsi sekubuyiselwa kwtiphiwo. Manje siyasuka kuloko. Niyabona na?

Tigaba letintsatfu te—temVini ukhula. Sekucala, lidlebe lelincane, Luther avela, esuka engucukweni. Kulungile. Lolo kwakuluhlanga. Bukani imvelo. Nkulunkulu nemvelo usebenta ngalokuchubekako, ngoba Nkulunkulu usemvelweni. Niyabona na? Lesilandzelako lesifikako, sishakato, imphova, umnyaka weMethodisti. Bese kufika iPhentekhostali, o, hhe, kuphelele kakhulu nje, niyabona, njengeluhlavu lwakolo nje lubukeka kwangatsi lungukolo lophelle, luhlavu lwakolo. Luvule, kute kolo lapho, nhlobo. Likhoba, umtfwali waLo, kodvwa loko kuPhila kusebenta kuyendlula. Niyabona na?

⁸⁷ Bona le emuva lapho emnyakeni waLuther bemukela Luther. Loko kuPhila kuyefika, kodvwa kwahamba futsi kwahlelwa. Intfo yekucala niyati, nje kugucuka kube kwelihlelo lokuphela

kwalo kushiswa. Niyabona na? Luhlanga luyoma; lungumtfwali nje. Labanye babo basatama kuhlala kulowomtfwali lomdzala loluhlanga, bangati lutfo ngaNkulunkulu, bafile. Batsi, “Yeboke, buka, silicembe. SasinguLuther.” Kunjalo. Kodvwa bukani kutsi sewukuphi manje. Niyabona na?

“SasiyiMethodisti.”

Futsi ngisho nekutsi, “SasiyiPhentekhostali.” Kodvwa bukani iPhentekosti, kutsi iya ngekubandza nekuba ngiyo ngeligama kanjani, kutsi wonkhe umuntfu usuka kanjani. Niyabona na? Kuyini na? Kwakungumtfwali weMbewu sibili. Niyabona na? Tonkhe leti letinye kwakungumtfwali, kodvwa kwaba lihlelo. Uma utsi, “NgiyiPhentekosti,” loko akusho lutfo kuNkulunkulu kunekutsi bewutsite uyiRoma leyiKhatolika noma liJuda, noma ngabe bewungaba yini.

⁸⁸ Ufanele utalwe, loko kuPhila lokufika ngalowomtfwali lapho. Ungahlali eluhlangeni. Ungahlali embewini. Chubeka ngco uphumele encenyeni lephelele.

⁸⁹ Manje, khumbulani, futsi yonkhe ingucuko lesibe nayo, etikwawo onkhe lawomaLuthela kanjalonjalo, eminyakeni lemitsatfu ayahlela. Kunjalo. Yonkhe imvuselelo yaletsa inhlangano eminyakeni lemitsatfu.

Cabangani kutsi loku sekuchubeke sikhatsi lesingakanani, iminyaka lengemashumi lamabili nentfo, futsi akukho nhlangano. Ngani na? YiMbewu, ita, ibumbeka ngaphansi kwelikhoba, kanjena. Yenekiwe, manje ifanele yenekwe eBukhoneni beNdvodzana, kutsi ivutfwele eluhlavini lolunenkhatisimulo njengaLolo lolwangena kuyekucala. LiBandla sibili lelashona phansi, kucala, seliyabuya likhuphuka ngco ngeluhlanga, kutsi liphume, lelinye liBandla, uma lokuhlanganisiwe sekufikela kuLitsatsa. LokuPhila lokwashona phansi kuLuther, kuPhila lokwashona phansi kuMethodisti, kuPhila lokwashona phansi kuPhentekhostali, kubuya kungene eluhlavini. Konkhe kutohamba kuyongena ngco eluhlavini, futsi kuphume, kwakha uMtimba waJesu Khristu lophelele.

⁹⁰ Njengelilanga nje liphuma, ekuseni. Ayikho imvelo longeke sewuyibuke lengafakazi ngaNkulunkulu. Awudzingi ngisho liBhayibheli, kwati kutsi kunaNkulunkulu. Lilanga lelincane liyatatalwa, luswane loluncane lolubutsakatsaka. Cishe ngensimbi yesikhombisa nco, luyahamba, lucala kuya esikolweni. Ngensimbi yelishumi noma yelishumi nakunye nco, seliphumile. Ngensimbi yelishumi nakubili nco, sewusekucineni kwakhe. Ngeyesitsatfu nco ntsambama, sewugugile. Ngeyesikhombisa noma yesiphohlongo, yesitfupha...Ngeyesihlanu noma yesitfupha nco ntsambama, sewugobe emahlombe. Uyafa. Ngabe loko kuphela kwalo na? Cha. Liyavuka ekufeni futsi ekuseni lokulandzelako. Kuphila, kufa, kungcwatjwa, kuvuka!

⁹¹ Bukani emacembe eta etihlahleni. Liyavela, lelihle, licembe lelikahle; liveta umtfunti; liveta sitselo salo. Lokulandzelako, intfo yekucala niyati, kuta intfwasabusika, ilishaye, kufa; ligijima lehle ngco liyongena emphandzeni, lingene emhlabatsini futsi. Ngabe loko kuphela kwalo na? Ngentfwasahlobo lelandzelako libuya ngco kutsi lifakaze. O! Loko kuphila lokungancamuki.

Kodvwa, mnaketfu, dzadze, sinekuPhila lokuPhakadze. SinekuPhila lokuPhakadze ngaLona lomkhulu Loweta, losahambile, uyakhona kusilungisela umtimba. Naletinhlungu leti letikhulako lesitivako, njengani besifazane nitivela nilahlwa ngaloku lenikwentako, nine besilisa lolenga etimfundzisweni tesemina, kanjalonjalo futsi, nonkhe nifuna kutsi, "Ngi-ngisisho ngenhloko lesivumokholo lesi. Ngenta *loku*." Kodvwa kukhona intfo letsite phansi impela kuwe, uma ubona emehlo etimphumphutse avulwa; tihhulu ti condz-... timphumphutse. Tonkhe letintfo leti letsenjisive. Ubona Livi lishunyayelwa ngemandla aLo. Ubona ingwadla, isuka esitaladini, yentiwa ibe ngudzadze. Ubona si—ubona sidzakwa siphuma lapho, futsi sibe ngulongcwele sibili waNkulunkulu. Hhe! Niyabona na? Kukhona lokutsite, kuPhila ekhatsi lapho. Bese ucala kuva, "Yebo-ke, mhlawumbe bengingakafaneli ngikwente loko." Kodvwa, niyabona, kuyini na, kuyintfo letsite uMtimba wakho lokudzingako ngaleya. "Wota." Kodvwa Nkulunkulu unemavithamini ekhatsi ngco *Lapha* aka konkhe kwalowoMtimba. Jesu uye kuyolungisa indzawo esifubeni saNkulunkulu; yebo, mnumzane, sakhi-mphilo lesincane, indvodzana yaNkulunkulu, indvodzana noma indvodzakati lencane yaNkulunkulu.

⁹² Jesu wacela intfo yinye kuphela, emkhulekweni waKhe kuBabe. Niyati kutsi leyo kwakuyini na? Intfo yinye, emvakwako konkhe kwemhlatjelo waKhe Lawenta lapha emhlabeni, kuphila Lakuphila, indlela Layihamba. Wacelela intfo yinye, "Kutsi lapho Ngikhona, babekhona nabo." Wacelela inhlanganyelo yetfu. Nguleyontfo kuphela Layicela kuBabe emkhulekweni, kuhlangana kwebungani kwenu kwanjalonjalo. Uma nifuna kukufundza loku kuJohane loNgcwele 17, nelivesi lema 24. Ngako-ke sifanele siMfise kangakanani na? Uma Afisa...

Manje lalelani. Uma impela nitelwe ngaMoya waNkulunkulu, loko kuchaza yonkhe intfo kini. Niyabona na? Akusyo incwadzi letsite yemitsetfo. Aniphili kwasamitsetfo nalokunjalo. Niphila ngemusa waNkulunkulu, uMoya waNkulunkulu.

⁹³ Bengikusho kanengi loku. Njengesitfunywa senkholo, bengiyaye ngiye ngesheya kwetilwandle. Kube-ke bengiletse umkami ngamngenis, bantfwana bami, "Manje bukan lapha, bantfwana! Lalelani lapha, Nkkt. Branham! Ngingumyeni wakho. Awuyukuba nalabanye bayeni ngesikhatsi ngingekho.

Uma ukwenta, ngiyokuhlindza uma sengibuya ekhaya”? Uh-huh. Niyabona na?

Ngishaye ngelunyawo lwami phansi, “Bantfwana, niyakuva lelengikushoko?”

“Ya. Yebo, babe. Yebo, babe.”

“Ngike nje ngive ngalesisodvwa siphambeko? Niyabona na?” Niyabona na? Manje, kungake kube likhaya lelo kepha?

Manje uma ke angatsi, “Manje, sewucedzile, mnumzane? Manje ngifuna kukutjela lokutsite. Mnumz. Branham, ngingumkakho loshade ngalokusemtsetfweni! Awuyukuba naletinye tintfombi ngesikhatsi usehambile, nawe”? Manje, kungake kube likhaya kodvwa lelo? Manje, loko kungaba yintfo letsite.

Asikwenti loko. Ngiyamtsandza, futsi uyangitsandza. Uma ati kutsi ngiyahamba, uyati angihambi ngaphandle uma iNkhosi ingibitela kutsi ngihambe. Siguca phansi, bese sibutsela bantfwana lapho. Siyakhuleka. Ngatsi, “Nkulunkulu Lotsandzekako, nakekela umlingani wami lomncane, bantfwana bami.” Batsi, “Nkulunkulu, nakekela babe sisahambile, asehambile.” Bese-ke uma siwela...

⁹⁴ Manje, uma-ke ngente intfo letsite lengakalungi laphaya na? Uma-ke ngiphambukile, ngente intfo lengakalungi? Futsi ngiyabuya ngase ngiya kulowomkami lomncane tatane, ngema lapho ngase ngimbuka buso bakhe losebushwaphana, netinwele takhe setiba mphunga, ngenyuka ngase ngitsi, “S’tandwa, kukhona lengifuna kukutjela kona. Uyati ngiyakutsandza.”

“Impela, Bill, ngiyati uyangitsandza.”

⁹⁵ “Ngiyakutjela kutsi ngenteni. Ngitsetse lenye intfombatane ngaya nayo ekhaya.” Ngi—ngitsi, “Utongitsetselela ngako na?” Ngikhholwa kutsi bekangangitsetselela. Ngikhholwa mbamba. Kodvwa bengingakwenta yini loko? Uma ngibuka, ngime lapho, ngibuke letotinwele tibamphunga, futsi ngati kutsi ume emkhatsini wami nemphakatsi, futsi ngiyati kutsi bekasolo angumfatni sibili kanjani, bengingakwenta loko na? Ngi—ngingamane ngife kunekutsi ngimlime. Ngingamane ngife.

Futsi uma loko, elutsandwensi i-phileo lwekutsandza umkami, kukhulu kangakanani ke elutsandwensi lwami i-agapao lwekutsandza Nkulunkulu! O, ngingeke sengente lutfo kuMlimata. Impela ngeke. Ngi—ngiyaMtsandza. Ngifuna kwenta konkhe La—Lafuna ngikwente. Ngifuna kukhona kwenta nalo lonkhe Livi Lalisho, akunandzaba kutsi live litsini. Bona, bangeke baLikholwe, empeleni. Ngifuna kwati kutsi Watsi angenteni. Futsi uma kukhona lengishoda ngako, ngifuna Yena kutsi angiphe kona. Futsi ngiphilele Yena, sitikhweshise eveni.

⁹⁶ Lomtimba lona lomdzala wasemhlabeni lapha unekwawo u...Ake nginitjele. Lomtimba wasemhlabeni lenicabanga

kakhulu kangaka ngawo, leniwufanisa neHollywood. Nisondzele kakhulu kuyo. Ingeke ibe lapho sikhatsi lesidze kakhulu. Khumbulani. Nasiva siprofetho, niyabona, leso iNkhosi lengipha sona, "Itoshona ngaphansi." Yebo, mnumzane. Caphelani. Itoshona ngaphansi. Bukisisani nje. Manje, Akukaze kungitjеле lutfo lokuliphutsa, namanje. Ngitokutsatsa loko ngikuyise kunoma ngubani lofuna kusho. Angati kutsi nini noma kuphi, kodvwa seyiphelile. Kwehlulela kulenga etikwayo. Akukho kuhlenga kwayo; seyendlulile. Niyabona na?

⁹⁷ Manje caphelani loku. Philelani Yena, sitikhweshise etintfweni telive. Manje bukani. Nibuka kumabonakudze, labanye benu bodzadze, futsi newukela lapha futsi nifuna, nine tintfombi. Nisebasha. Ngiyakwati loko. Kodvwa ningemaKhristu. Niyabona na? Nehlukile. Anifuni kufana nelive. Niyalitsandza live. Akusini nodvwa nine labasha; nalabanye benu nine labadzadlana. Niyabona na? Yebo-ke, yini leyenta loko na? Niyabona na? Nibukela mabonakudze, newukela esitolo, nibona letingubo letindzadlana besifazane labatigcokako, lokuhlambalata nkulunkulu.

Niyati kutsi kutokwentekani ngeluSuku lekwaHlulelwa na? Ungahle ubemsulwa impela nje ngako konkhe kumyeni wakho, kodvwa ngeluSuku lekwaHlulelwa utophendvula ngekuphinga. Jesu watsi, "Lobuka wesifazane amkhanuke sewuvele uphingile naye enhlitiywени yakhe." Ngubani lokufanele asolwe na? Nguwe. Niyabona na? Utivete wena, letotikhindi nemabhluko lamavuthela.

Lomunye wesifazane watsi kimi, kungesiko kadzeni, watsi, "Angitigcoki tikhindi, Mnaketfu Branham. Ngiyayibonga iNkhosi ngaloko. Ngigcoka libhuluko leliyivuthela."

⁹⁸ Ngatsi, "Loko kubi kakhulu." Loko kubi kakhulu. Kunjalo.

⁹⁹ Awukwati ngisho nekutsenga ingubo, kuyimvela kancane, kuwesifazane. Watsi, lomunye wesifazane watsi, "Yebo-ke, usho liciniso. 'Ungeke. Ungeke uyitsenge.'" Kodvwa basawatsengisa emayadi futsi banemishini yekutfunga. Niyabona na? Ngako kute kuvika ngelicembe, nhlobo. Niyabona na? Niyabona na?

Kuyakhombisa, dzadze. Ngingumnakenu. Futsi ngiyinceku kuKhristu, lefanele iphendvule eNkantolo yekweHlulela ngaloko lengikushoko lapha kusihliwa. Niyabona na? Utokuma, unelicala lekuphinga, nganca yekutsi lutsandvo lwaNkulunkulu luvutile lwaphuma enhlitiywени yakho. Usaya esontfweni. Ungahle kube usadansa eMoyeni. Ungahle kube usakhuluma ngetilimi. Futsi letotinfo tikahle, kodvwa kusesengakabi Ngiko noko. Cha, mnumzane.

¹⁰⁰ Khumbulani, liBhayibheli latsi, "Etinsukwini tekugcina kuyofika boKhristu bemanga," hhayi boJesu bemanga. Bebaneke beme bathule ngaloko. Kodvwa, "boKhristu bemanga," labagcotjiwe bemanga. Bagcotjwe mbamba

ngaMoya, ngaMoya loyiNgcwele, kepha kube solo kungemanga. Niyabona na? Kunalababili . . .

¹⁰¹ Kunebantfu labatsatfu bakho. Lokungephandle ngumtimba. Unemizwa lesihlanu, lochumana nelikhaya lakho lasemhlabeni ngaloko. Longekhatsi ngumoya. Kunemizwa lesihlanu lapho, lutsandvo nanembeza, kanjalonjalo, uyachumana. Kodvwa lingekhatsi laloko ngumphefumulo.

¹⁰² Khumbulani, “Imvula inela labalungile nalabangakalungi.” Imvula lefanako letokwenta luhalu lwakolo lumile yenta namangulube amile naye. Niyabona na? Kuyini na? Ngekhatsi kwaleyombewu kunemvelo, naleyomvelo iveta ebaleni, itiveta ebaleni yona lucobo. Angema ensimini yinye, khona lapho kanye nelukhula. Lukhula nakolo kuma ndzawonye, kujabule kakhulu impela nje. Inhloko yalo ibheke phansi. Lilambela emanti. Uma kufika imvula, mangulube angamemeta kakhulu nje njengoba kungenta kolo. “Kodvwa niyobati ngetitselo tabo.” Niyabona na?

¹⁰³ MaKhristu, ngingahle ngingaphindze nginibone. Niyabona, sekuyiminyaka ngagcina kuba lapha. Ngingahle ngingaphindze nginibone. Banini semgenci neLivi laNkulunkulu. Bukani esibukweni.

Njengemfana lomncane ngalesinye sikhatsi, bekakadze aphumele emaphandleni, angazange sekasibone sibuko. Ufika endlini ya-anti wakhe—wakhe. Wacala kwenyuka ngetitebhisi. Wabona sibuko, futsi wabona umfana lomncane esibukweni. Wachubeka nje nekwenyuka, abukile. Futsi—futsi bekajikitisa sandla, nalomfana lomncane kulesibuko ajikitise sandla. Futsi wachubeka nekubuka. Bekangakaze atibone esibukweni. Ngako ngesikhatsi sekasondzele ngalokwenele kuso, wajika, watsi, “Ngani, Mama, ngimi loya!”

¹⁰⁴ Ubuka kanjani, esibukweni saNkulunkulu na? Ngabe sikhombisa indvodzakati noma indvodzana yaNkulunkulu na? Ngabe kukhona intfo letsite, lokukutsi, uyakuva Loko, ngabe kukwenta uyitondze indvodza lesho Loko na? Noma, ngabe ikhona yini intfo ledvonsako, itsi, “Ngiyati leyondvodza icinisile ngoba loko kusemBhalweni”? Ngako-ke, loko mavithamini ladzingeka kulomtimba lomiselwe kutsi ube lapho, indlu leyo lomunye latoyidzinga uma ufika lapho. Niyabona na? “Lendlu lena; uma sitfwele wasemhlabeni.”

¹⁰⁵ Manje khumbulani, sicabanga kakhulu ngalomtimba. Siwugcokisa letinengi kakhulu timphahla. Senta tintfo letinengi kakhulu, lokukutsi, ngulokungenasidzingo, luntjintjo emvakweluntjintjo emvakweluntjintjo, natotonkhe letintfo leti. Futsi—futsi, o, nguwowonkh’umuntu nje.

Ake nje umuntfu acale intfo letsite. Ase upende titebhisi takho tibe bovu bese ubukela nebakaJones sebapenda netabo tibe bovu. Untjintja usuke kuChevrolet uye kuFord, nabo nje

ngeke bakhone kukumela. Sikhatsi sekufananisa. Uvumele i...Uvumela wesifazane ete esontfweni, afake luhlobo lolutsite lwesigcoko, bukela ke bonkhe besifazane batfola leso; ikakhulukati umkamelusi, niyabona, bukelani nje kutsi kwentekani. Manje, loko kuliciniso. Lelo liciniso mbamba. Sikhatsi sekufananisa. Mnaketfu, kufanele kube sikhatsi sekufananisa. Nato tonkhe leto-tonkhe letotintfo te-tenhlosa letsita

Angikhatsali noma ngabe libhantji lami liyafanelana yini nelibhuluko lami. Futsi nginesikhatsi lesimatima. Umkami noma malukatana wami, lomunye, ungitjela kutsi nhloboni ya-yathayi lengifanele ngimfake nalo. A—angikhatsali noma ngabe kuyafanelana, noko. Ngifuna lwati lwami lufanelane neLivi laNkulunkulu. Nguleyo intfo, ngoba kulapho langihlose kuphila khona; hhayi entasi ekoneni ngaleya nebakaJones, kodvwa ngaleya eNkhatalimulweni lapho Jesu akhona, aye kuyosilungisela indzawo. Yebo, sifuna loko. Yebo, mnumzane. Khweshani kuko konkhe loku.

¹⁰⁶ Lelitabernakeli lelidzala lasemhlabeni lapha, niyati kutsi liyini na? Lomtimba unjengelibhantji lelidzala loligcokako, libhantji loke waligcoka. Kodvwa manje unalelinye lelincono kakhulu, awusalisebentisi. Wentani na? Uliphanyeka ekamelwaneni, ngoba sewunalelincono. Unelibhantji lelincono. Lihambisana kakhulu nesikhatsi kunaleli lowawuvame kuligcoka, lelo leseligugile. Ini na? Nguleyongubo. Wena ulingekhatsi lalo lapho. Leyongubo kuphela yenteni na? Yatfwala umfanekiso wakho. Niyabona na? Kodvwa awusayidzingi manje. Sewuyiphanyekile. Seyisidvwedvw.

Futsi nguleyondlela lomtimba lomdzala longiyo, wena, utfwale umfanekiso wewasezulwini. Noko, awusuwe. Wena ungekhatsi kwalowomtimba. Wena, uMoya waNkulunkulu, ungekhatsi kwalowomtimba. Nguloko lokwenta lelingephandle libe sekutfobekeni, ngoba lingekhatsi liyawudvonsa, niyabona, liwungenisa ube semgeeni neLivi laNkulunkulu; lingekhatsi lakho, wena lucobo, bunguwe.

Lomtimba ulibhantji lelidzala nje. Futsi ngalolunye lusuku, uyokwentani ngawo, ngoba wena wa—wawuyingubo kuphela sikhashana na? Lowo unjengengubo yasemhlabeni; lomtimba. Umtimba wakho—wakho sibili, wena lucobo, ungekhatsi kwalelibhantji lelidzala lolibita ngaWilliam Branham, noma Susie Jones, noma ngabe ngubani. Niyabona na? Ngalelinye lilanga liyophanyekwa ehholeni lasemhlabeni lenkhumbulo yakho. Uyolibeka ngephandle ngaleya ethuneni, futsi lomunye uyomisa litje lelithuna, “Lapha kulele uMfund. *S'bani-bani*, noma John *S'bani-bani*, noma *S'bani-bani*.” Liyolala lapho njengesikhumbuto sakho. Bantfu bakubone nje kuleli. Futsi loko lobewungiko wena, wena mbamba, bewungekhatsi

kwaloko. Kodvwa lelibhantji lelidzala, cobo lwalo, nje “litfwele umfanekiso wewaseZulwini.”

O, bantfu, senikwentile yini kutibhukela tindzawo kutontjintja emabrantji na? Senikwentile yini kutibhukela tindzawo taseZulwini? Khumbulani, nifanele nibe nekutibekela tindzawo. Ningke ningene ngaphandle kwato.

Ngikhuluma nani ngelulwimi lwesimodeni manje, lenilwatiko. Uma uya ehhotela, utsi, “Yebo-ke, bengine . . .”

¹⁰⁷ “Bewutibhukele tindzawo na? Yebo-ke, ngiyacolisa. Yonkhe intfo igewe ma.” Ungaphandle emakhateni, ngoba wehlulekile kutibekela tindzawo.

Futsi uma ufika ekupheleni kweluhambo lwekuphila kwakho, ngaphandle kwekutibekela tindzawo, akuyikubanaMuntfu lapho kukuLangabeta. Uyodzingeka wehlele eliPhakadzeni lelimnyama lapho kuyobakhona kumemeta, nekukhala, nekulila, nekugedla kwematinyo. Ufanele. Ungeke ungene eDolobheni, wena, ngoba ute indzawo lotibhukele yona. Ufanele ube nato, kutsi ungene eDolobheni, lapho Jesu aye khona kuyokulungisela indzawo. Khumbula, ufanele ube nekutibhukela tindzawo, nengubo yensindziso, igcokiwe. Ungeke.

¹⁰⁸ KuMatewu, nginemBhalo lapha. Ngibukisisa umBhalo, Matewu, emashumi lamabili- . . . 22:1 kuya kule 14. Anginaso sikhatsi sekulifundza, ngoba sekuya ngekwephuteka kakhulu. Ngikhulume sikhatsi lesidze kakhulu, kini. Kodvwa khumbulani, inkhosu yatfumela yase yenta sidlo sakusihlwa. Yahlabu tonkhe tetinkhabi tayo, yase—yase ilungisa letikhuluphalisiwe nayo yonkhe intfo, yayinalesikhulu sidlo sakusihlwa lesilungisiwe. Yase iyatfumela, futsi yayibite labanengi kutsi bete.

Lomunye watsi, “Yebo-ke, niyati, ecinisweni, ngiwakuleli.” “Futsi nginaloku,” “Ngifanele ngihambe neliplazi lami.” Nalomunye wenta tintfo letinengi. Yaphindze yatfumela futsi, futsi batiphatsa kabi. Kwatsi ekugcineni . . . Leso kwakusitukulwane semajuda, Jesu lebekakhuluma naso. Bebanaletinye tintfo labatotenta.

Kwase ke, ekugcineni, yatfumela, “Futsi itsi . . . Hambani. Nje ninga . . . Nje nibaphocelele. Ngenani etitaladini nasemigwaceni lemikhulu, nayo yonkhe indzawo, futsi nibaphocelele kutsi bete bangene.” Futsi emvakwaloko, yatimisela kutsi indlu yayo yayi . . . Sidlo sayo sakusihlwa sasitodekwa. Kutoba khona timenywa lapho.

Yase-ke itfolu umuntfu ekhatsi lapho lobekangakembatsi ingubo yemshado. Bekafuna kubambelela ebhantjini lelidzala. Futsi bukani kutsi yatsini. “Mngani, emvakwekuba seNgikumemele esidlweni sami sakusihlwa semshado, futsi Ngikumemile futsi ngikunika nesimemo sekutsi ute!”

¹⁰⁹ Futsi uma wake waba seMaveni asemphumalanga, lengishumayele ekhatsi lapho sikhatsi lesinengi, leso sidlo sakusihlwa semshado sisentiwa ngayo nje indlela lesasingiyo. Umyeni, kutsi, bonkhe, unetimenywa letinengi kakhulu latoba nato. Mhlawumbe, uMnaketfu Kopp, mhlawumbe uke wakubukisisa lapho eNdiya. Niyabona na? Banetimenywa letinengi kakhulu latoticela; asitsi utocela timenywa lettingemashumi lamatsatfu.

Manje, umyeni utofanele anikete tingubo. Utوفanele atinike, ngako-ke kunemuntfu loma emnyango. Futsi uta nesimemo sakho. Uhlola simemo sakho bese ukugcokisa sembatfo, ingubo. Loko, letinye tato tinjingile, naletinye tato tiphuyle, naletinye tehrukile, kodywa tonkhe tibukeka tifanana uma tigcoka lettingubo leti. Tonkhe tibukeka tifanana.

Futsi nonkhe nifanele nibukeke nifanana. Awunakuba, ngulotsi, “NgiyiMethodisti *ngalapha*. NgiyiPresbyterian *ngalapha*.” O, cha. Awungeni, kwekucala nje. Niyabona na?

Ufanele ungene ngeliSango. Jesu watsi, “Mine ngiliSango leliya esibayeni setimvu.”

“NgiyiPhentekhostali. Nginguloku. Ngingulokwa.” Loko akusho ngisho nayinye intfo.

Uta ngaleloSango. Futsi uma uta ngaleloSango, utfola ingubo.

¹¹⁰ Nalomuntfu lona, ngesikhatsi atsi, “Ungene kanjani lapha, mngani?” Niyabona na?

Kwakhombisa kutsi ungene ngalenye indlela, futsi ungene ngelisatelo, ungene ngendlela lengemuva, kodywa hhayi ngelisango; hhayi ngeliSango, indlela Jesu leta ngayo, ngemhlatjelo wakho lucobo; unikela konkhe kwakho kuNkulunkulu, futsi uhamba uya eKhalvari futsi ubetselwe kanye naYe. Futsi uphindze uvuke, kutsi ugcoke ingubo yaKhe yemhlatjelo nekufa etintfweni telive.

¹¹¹ “Uma nitsandza live, noma tintfo telive, lutsandvo lwaNkulunkulu alukho ngisho nakini.” Niyabona na? Uma nisasolo ninelutsandvo lwelive, nifuna kutiphatsisa kwelive, futsi nente njengelive; nitama . . . nine ni . . . Noko, nisebandleni, kodywa ningumangulube esivandzini nakolo; nimemeta kanye nabo bonkhe labanye, nitfokote nabo bonkhe labanye. Tonkhe tibusiso takamoya sisetikwenu ngco.

Wena utsi, “Yebo-ke, ngyaprofetha.” Wentanjalo naKheyafase. Wentanjalo naBhalami. Loko akunalutfo . . .

¹¹² “Nginembhabhatiso, uMoya loyiNgcwele.” Loko kusasolo kungakahlangani ngalutfo nako. Leso nje kuphela siphwiwo sesikhashana sakho.

Siphwiwo sibili ngumphefumulo wakho phansi ekhatsi lapho, niyabona, lowatalwa nguNkulunkulu, nalowo

ulawula yonkhe intfo iye eVini laNkulunkulu nentsandvo yaNkulunkulu. Futsi lapho uyakhula, niyabona, khona-ke uyindvodzana nendvodzakati yaNkulunkulu. Ungumntswana waNkulunkulu. Naletintfo leti, lapho wenyuka... Njengamake, manje usematfunjini emhlaba, utama kuvela. Uyindvodzana yaNkulunkulu, uyavela, futsi uyabona Livi litsi, “Ngifanele ngente *loku*. Ngifanele ngitalwe kabusha.”

“Yebo-ke, ngiwelibandla.” Loko akusho ngisho nayinye intfo. Niyabona na?

“NgiyiMethodisti; make wami.” Loko kuhle kumake wakho.

¹¹³ “Yebo-ke, hhe, ngiyiPhentekhostali. Ngiwakhona.” Loko, uma ungemni emgceni naleloLivi, kukhona lokungalungi. Niyabona na? Ngako-ke, niyabona, babe wakho mbamba akusuye Nkulunkulu. Niyabona na? Ngoba, loko kucala sibili emphefumulweni wakho, ngaphambi kwekutsi kuke kubekhona ngisho umoya, kwakungumphefumulo wakho. Lowomphefumulo nawungavelanga kuNkulunkulu, khonake kwakungesiso sakhi-mphilo saNkulunkulu, kwekucala. Udukisiwe. Usebaleni Iwelukhula futsi uveta bufakazi belive belukhula buvela. Utiphatsisa kwelive, utsandza live, kungoba lutsandvo lwaNkulunkulu alukho kuwe.

¹¹⁴ Futsi manje kutobakhona labagcotjiwe bemanga etinsukwini tekugcina, hhayi Jesu wemanga. Bebaneke bakumele loko. Kodvwa, “bemanga,” labagcotjiwe. Bagcotjiwe, yebo, mnumzane, kodvwa bangumphiku-Khristu. Bagcotjiwe ngaMoya, kutsi bente letibonakaliso netimanga Khristu latenta, kodvwa abemi emgceni neLivi laKhe. Niyabona na?

“Labanengi bayokuta kiMi, ngaloloSuku, futsi batsi, ‘Nkhosi, angiprofethanga yini, futsi ngakhipha emadimoni, ngeliGama laKho na?’”

Utsi, “Sukani kiMi, nine benti balokubi. Angizange ngisho senginati.”

“NgangiyiPhentekhostali, Nkhosi. Ludvumo kuNkulunkulu! Ngamemeta. Ngakhulumna ngetilimi. Futsi ngabeka tandla etikwalabagulako, futsi ngabaphilisa, ngakhipha emadimoni.”

“Sukani kiMi, nine benti balokubi. Angizange senginati.”

¹¹⁵ Niyabona kutsi ngichaza kutsini na? O, bantfwana labancane, niyasiva sidzingo salelo-vithamini kusihlwa, leyontfo letsite na? Kunemtimba lolindze ngaleya. Kunemtimba lolindze kwemukelwa. Bantfu, ningakhohliswa. Ningakhohliswa. Develi ungumkhohlisi. Ngisho ne—nengubo yemshado, nifanele niYembatse. Ifanele.

¹¹⁶ Manje sisesikhatsini sakusihlwa. Umtimba wasemhlabeni manje sewulungele kudzilitwa, futsi sesilungiselela kungena kuwaseZulwini. Futsi manje siva lubito lolungakejwayeleki,

IwaNkulunkulu, kutsi siye kule-Edene lenkhulu. Futsi ngaphambi kwekutsi sikhone kutalwa lapha, imitimba yetfu lemincane yayikhalela intfo letsite le—lebeyifanele iniketwe, noma nakungenjalo besitoba ngumntfwana lohlaselekile lapha uma besingenjalo. Nkulunkulu akanakuhlaseleka etulu lapho. Bona, bonkhe, basemgceni ngalokuphelele, uMlobokati impela nje njengoba bekanjalo uMyeni, Livi latibonakalisa esikhatsini saLo. Nkulunkulu baphe, kusihlwa, bantfwana, nonkhe ngamunye wenu! KuneliZulu lekuyiwa kulo. Kunesihogo lemele kukhweshwe kuso.

¹¹⁷ Manje, labanengi benu bayati kutsi iNkhosi inginike imibono, tinkhulungwane taleyo. Intfo lenkhulu kunato tonkhe... Ngangikwesaba kufa. Cishe eminyakeni lemitsatfu leyendlulile, niwabonile emaDvodza labosomaBhizinisi labangemaKhristu, *weNdllule eKhethinini Lesikhatsi*. Ngiyacondza kutsi kungenteka ngingaphili kulobusuku lobu. Kungenteka ngingaphindze ngingibone emphilweni yami lapha, kodvwa loku kuliciniso. A—angati noma loku ngitokubita ngembono, noma kwakuyini.

Ngalokunye kusa, madvute nje, ngangi... Ngangisandza kuvuka nje. Ngangibuya etinkonzweni. Nemkami bekalele lapho, alele butfongo. Ngatsi, “S’thandwa, uvukile na?” Bekaselele. Ngiyati sasifanele sivuke, kutsi siyise bantfwana esikolweni.

Ngase ngibeka tandla tami ngemuva, *kanjena*, ngase ngitsi, “Yebo-ke, awusho, Bill Branham, uyati yini kutsi sewendlulile emashumini lasihlanu na? Wena, uma kukhona lotokwentela iNkhosi, kuncono usheshise, ngoba awusenaso lesinye sikhatsi lesinengi kakhulu.” Ngacabanga, “Hhe, ngiyetsema kutsi ngingaphila kutsi ngibone kuBuya kweNkhosi Jesu.”

Ngangihlala ngingako njalo engcondvweni yami, kutsi—kutsi uma sesifile, ngiyobona, njengekutsi, umnaketfu *lapha*. Ngiyotsi... “Ya, washumayela ebandleni lami, ngalobunye busuku phansi emhlabeni, Mnaketfu Branham.” Kodvwa, u—ungumoya, ngangingeke ngikhone kuchawula sandla sakhe, ngoba sandla sakhe silaphaya ethuneni, sesibolile, niyabona: nesami, nami. Ngangivamise kutsi nje kukucabanga loko.

¹¹⁸ Kodvwa ngaloko kusa, ngesikhatsi, ngiva Intfo letsite yehlela etikwami, futsi ngacabanga... Ngalokwejwayelekile, njengoba umbono uta. Futsi ngabuka, futsi nga—ngabuka. Ngacabanga, “Hhe! Yini lena?” Ngase ngiyabuka, lamakhulu, emagcuma laluhlata satjani. Nebesifazane labasha bekavela kuyo yonkhe indzawo, ngemashumi etinkhulungwane, nemakhulu etinkhulungwane. Futsi bonkhe bebeta, tinwele letindze tite tiyoshaya phansi emhlane wabo, bembetse tingubo letimhlophe, bangakagcoki lutfo etinyaweni, bamemeta kakhulu, bampompoloza, “Mnaketfu wetfu!”

¹¹⁹ Nga—ngacabanga, “Manje, simanga lesi.” Ngacalata ngemuva futsi ngabuka. Futsi nakuya ngangilele khona lapho, futsi nango nemkami, alele lapho embhedzeni. Ngase ngitsi, “Manje, uyati kutsini? Ngifile.” Ngatsi, “Loko, nguloko lokwentekile nje. Ngi—ngifile.” Futsi ngatsi, “Ngingahle kube ngibe nekuhlaselwa yinhlitiyo, noma lokutsite. Ngifile. Nako kulele umtimba wami.” Ngangilele lapho nje netandla tami tingemuva, *kanjalo*, ngigogekile nje. Ngacabanga, “Loko akusiwo emafidi langemashumi lamabili kusuka kimi.” Futsi ngangilapho, ngibuka. Ngacabanga, “Loko yi... Nango umkami lapho. Lapho, kunayo yonkhe intfo. Nalo lihembe lami lilenga lapho kulolutsi lwembhedze lapho.” Futsi ngacabanga, “Naku lapho ngikhona.”

¹²⁰ Ngacalata futsi, nalaba besifazane bonkhe bebeta. Futsi beba... Ngabuka, beta *ngalapha*, futsi nako kuta banaketfu. O! Bangibo mbamba. Bonkhe bebabukeka batinsizwa. Bebamemeta kakhulu, “Mnaketfu loligugu!” O, ngangingati kutsi ngitocabangani.

¹²¹ Ngacabanga, “Simanga lesi.” Ngabuka emuva, futsi ngangingesiyo indvodza legugile. Ngangimusha. Ngacabanga, “Lena yintfo lengakejwayeleki.” Ngacabanga, “Ngabe lona ngumbono?” Ngangiluma umuno wami. Ngase ngiyacabanga, “Cha. Akusilo luhlobo lwembono lengike ngaba nalo.”

¹²² Ngako-ke, lapho, Intfo letsite icala kukhuluma nami etulu *lapha*, futsi yatsi, “Ungene nebantfu bakho.”

Ngacabanga, “Nebantfu bami? Bonkhe laba baboBranham?”

¹²³ Yatsi, “Bangulabo lowabaphendvukisela kuKhristu.” Nalaba besifazane... .

Niyati bengihlala njalo ngitsatfwia ngekutsi, ngenca yekutsi bebangibita ngekutsi “ngingulotondza besifazane,” kodvwa angisuye. Niyabona na? Ngoba, ngikholwa... A—a—angisitsandzi similo lesibi, kungatihloniphi. Ngibatsanda bona sibili, bodzadze lababelucobo bakaKhristu. Uma kungaleyondlela, kulungile.

¹²⁴ Nganginetibati letitsite ngesikhatsi ngisengumfanyana. Ngiyatati tintfo letenteka leyatsi kungiphendvulela kuleyondlela. Kodvwa kwa—kwakunguNkulunkulu konkhe, angenta, angibumbela leli-awa leli. Niyabona na?

¹²⁵ Ngicabanga kutsi yena mbamba, dzadze welucobo, ayikho intfo lenye lenhle kwendlula. Uma Nkulunkulu angapha indvodza noma yini lencono kunensindziso, Uyomupha umfati. Niyabona na? Futsi ngako, ke, uma Bekangapha indvodza noma yini lencono, Bekangakwenta. Futsi ngako-ke kubona labanye babo bajika futsi bangatiphatsisi ngisho kwemfati, bangetsembeki etifungweni tabo temshado, nebayeni babo ngalokufanako. Khumbulani, ubophelelekile kuperela nje

uma usaphila, kulomunye nalomunye. “Loko Nkulunkulu lakuhlanganisa emhlabeni, kuhlanganisiwe naseZulwini.” Niyabona na?

¹²⁶ Futsi ngako-ke nga—ngakubona loko. Nalaba besifazane bagijima benyuka futsi baphonsa imikhono yabo kimi, futsi bangigaca, futsi bangibita nge, “Mnaketfu!” Manje, bebabesifazane, kodvwa ngeke sike sibekhona sono kuleyondzawo. Niyabona na? Bebabesifazane. Kodvwa, niyabona, lokusentako manje, wesifazane ne—nelidlala, lidlala lebesifazane, newesilisa nelidlala lewesilisa, loko kutala bantfwana. Lapho lingeke libekhona. Bonkhe bayoba lidlala linye, kodvwa bayosolo bakulesosimo. Umfanekiso wasemhlabeni labawutfwala lapha uyoba lapho, kodvwa asiyuze sibekhona sono. Nonkhe niyafana. Bangeke basabakhona bantfwana labayotalwa lapho. Niyabona na? Kunjalo. Konkhe kuyoba ngaleyondlela. Futsi ngako ngabuka, nalaba besifazane.

¹²⁷ Base bayangiphakamisa. Labanaketfu laba bangihhalisa etulu endzaweni. Ngatsi, “Nikwentelani loku?”

Watsi, “Emhlabeni wawungumholi.” Futsi kwatsi—futsi kwatsi, “Wena . . . Laba ngulabantfu.”

¹²⁸ Futsi kwakukhona lomunye wesifazane lowenyuka. Watsi, “Mnaketfu lotsandzekako.” Wesifazane lomuhle kakhulu!

Nakendlula, leliPhimbo lema, latsi, “Awumkhumbuli lowesifazane?”

Ngatsi, “Cha.”

Latsi, “Wamholela kuKhristu sekendlulile emashumini layimfica. Niyabona na? Awuboni yini kutsi kungani atsi ‘mnaketfu lotsandzekako?’”

Ngatsi, “Yebo-ke, u—uhamba . . .”

Latsi, “Cha. Silindze lapha.”

Ngatsi, “Yebo-ke, uma ngendlulile, ngifuna kubona Jesu.”

Latsi, “Ungeke uMbone manje. Lona ngumBhalo, watsi, ‘Imiphefumulo lengaphansi kwe-altari.’ Utsite kubasetudlwana nje. Ngalelinye lilanga Uyobuya. Sibuyela emhlabeni. Asidli noma sinatse lapha.”

¹²⁹ Ngatsi, “Usho kutsi bengesaba loku na? Ngani, loku . . .”

Alikho ligama lekukusho, bangani. “Kuphelele,” belingeke—belingeke likutsintse, “kwelizinga lelisetulu.” Akukho magama esiNgisi lakhulunywako lengiwatiko, akukhogama nhlobo, lebelingake livakalise kutsi kuyini. Kungetulu kwanoma yini lengiyatiko. Nango lapho ke. Kwakungekho kwasakugula, kungekho kwasalusizi. Wawungeke ufe. Wawungeke wone. Kwakuphelele nje, kuphelele nje. Bangani, ningake, ningake niphutselwe ngiko. Khumbulani.

¹³⁰ Futsi ngesikhatsi ngisengumfana lomncane, ngabona umbono wesihogo, ngisengumfana lomncane. Futsi niyati kutsi bakanjani labodzadze, namuhla, noma besifazane (dzadze bekangeke ayente intfo lenjengaley), bapende emehlo abo njengemphisi, noma intfo lefana naleyo, intfo leluhlata sasibhakabbaka ngaphansi kweliso labo. Ngikubonile loko. Ngangishona phansi. Ngisengumfana lomncane, ngangikadze ngidutjuliwe, futsi ngangilele, ngifa esibhedlela. Futsi ngangihlala ngati kutsi bekakhona Nkulunkulu.

Ngiyawukhumbula umkhuleko wekucala lengake ngetama kuwukhuleka. Intfo kuphela lebengingayisho...A—angikaze ngikusho loku phambilini. Ngitivela nje kutsi ngitokucoca khona manje. Ngadutjulwa, ngilele lapho, ngifa esikhotseni. Kutincengela lebengingaba nako kuNkulunkulu, ngatsi, “Uyati, Nkosi, angizange sengiphinge.” Niyabona na? Ngisengulomncane, umfana lomncane cishe loneminyaka lelishumi nesihlanu budzala, ngetama kuphila ngalokufanele. Ngase ngitsi, “Ngiphile ngebumsulwa.” Futsi nguloko kuphela lebengingakusho. Nguloko kuphela lokwakukuhle lengangingakunika Yena.

¹³¹ Futsi ke ngilele lapho, ngalesosikhatsi, ngesikhatsi dokotela sekahambile wesuka kimi, futsi ngativa ngicwila ngingena ePhakadzeni lelimnyama, futsi kwakubukeka kufana nalo. Ngampongoloza ngibita babe, “O, babe, ngisite.” Kwakungekho kwasababe lapho. “Make, ngisite.” Kwakungekho kwasamake lapho. “Nkulunkulu, ngisite.” Kwakungekho Nkulunkulu lapho. Kwakungu lelingenamkhawulo nje, lelibi kabi, o, liphupho lelesabisako. Lesivutsako, sihogo lesingemalangabi sasingaba yintfokoto, uma sicatsanisa nekuba ngetulu kwaloko. Futsi ngiwa ngendlula lapho, ngacabanga, “O, hhe!” Ngigucugucuka ngiwa, kanjena. Ngangena endzaweni, intfutu, nalokumnyama, nekugula. Futsi, o, kuva lokunje pho! Kwakukufa etikwami.

Futsi ngangibabona labo besifazane benyukela kimi, banalolohlobo lwemehlo lapendiwe kanjalo. Manje khumbulani, loko sekube yiminyaka lengemashumi lamane nesihlanu leyendlula, cishe iminyaka lengemashumi lamane lendlulile, empeleni. Batsi, bebatsi, “Hhuu! Hhuu! Hhuu!”

Ngatsi, “Ngabe ngitoba lapho kuze kubephakadze na?”

“Kuze kubephakadze.”

¹³² Ngatsi, “O Nkulunkulu, uma Utongivumela ngiphume lapha, a—a—angiyophindze ngibe nemahloni ngaWe futsi. Angiyuze ngaba nemahloni. Nkulunkulu, ngiyacela nginike litfuba.”

Intfo yekucala niyati, ngativa ngibuya ngenyuka. Nalodokotela wabitwa masinyane, ngoba inhlitiyo yami yayishaya kuphela kalishumi nesikhombisa emzuzwini. Ngase ngophe yaphuma yonkhe ingati yami nako konkhe, ngangilele

engatini yami lucobo. Futsi bengimangala, ngalelinye lilanga loko kwakuyokwenteka?

¹³³ Cishe eminyakeni lemibili leyendlulile, ngesikhatsi ngitfutsela eTucson, benginemkami eJ. C. Penney. Ngangihleti lapho *kanjalo*, nenhloko yami ibheke phansi, ngilindzile. Ngoba, niyati kutsi kukanjani, bodzadze, batsenga sikhatsi lesidze. Futsi *ngangi*—ngangihleti lapho, inhloko yami ibheke phansi *kanjena*. Nesitebhisi lesitihambelako sasikhuphuka. Futsi naku kuta labanye balabo besifazane, naloko kuhhulwa kwetinwele letimankimbonkimbo, niyati, njengoba bentu, *kanjalo*. Benyuka beta nalawomehlo labukeka apendwe *kanjalo*. Futsi bebakhuluma Spenishi. Futsi loko nguloko. Wonkhe (lombono) waphindze wenteka futsi. Nango lapho, “Hhuu! Hhuu!”

¹³⁴ Mnaketfu, dzadze, ake nginitjele intfo letsite. Kungahle kubukeke kuhlekisa manje, kodvwa uma uke wefika lapho. Kuyintfo lematima. Ningake nilokotse nihambe ngaleyondlela.

¹³⁵ Mine, njengendvodza lendzala, umshumayeli, ngishumayele umhlabu jikelele, nginetigidzi tebangani, kodvwa ngiyati ngifanele ngime nani ngaleyela. Suka etintfweni telive. Futsi uma ikhona intfo lekuwe, kutsi usafuna kwenta ngalendlela lowenta ngayo, uma unetintfo telive kuwe, khumbula, awusuye waNkulunkulu. Ulilunga nje lelibandla, kute kube ngulolobito; loko kujula, kubitana nekuJula. Niyabona na?

¹³⁶ Njengekutsi, ngaphambi kwekutsi kubekhona sigwedlo emhlane wenhlanti, kufanele kubenemanti ayo kutsi ihlambe kuwo, kucala, noma nakungenjalo beyingeke ibe nesigwedlo.

Ngaphambi kwekutsi kubekhona si—sihlahla kutsi simile emhlabatsini, kwadzingeka kubekhona umhlabatsi, noma nakungenjalo bekungeke kubekhona sihlahla kutsi simile kuwo. Kwakungeke kube nasizatfu sesihlahla, nekusenta sibekhona kanye nawo.

¹³⁷ Ngaphambi kwekutsi kubekhona lokudaliwe, kutofanele kubekhona uMdali. “Babusisiwe labo labalambela bomele kulunga.” Niyabona na? Kukhona intfo letsite kitsi. Uphakamise sandla sakho esikhashaneni lesendlulile, “Ngifuna lokunengi kwaNkulunkulu.” Niyabona na? Ikhona intfo ledzingile.

Futsi uma nitsanza live, nihamba ngaleyondlela, tintfo telive, niyohamba luhambo lwelive, nasekuwensi niyoba njalo. Niyabona na? Phuman. Ningemadvodzana nemadvodzakati eNkhosi, iNkhosi mbamba. Bani ngudzadze nemnumzane lohloniphekile. Hambani njengemaKhristu. Philani njengemaKhristu. Nitiphatsise kwemaKhristu. Khumbulani, ngiyohlangana nani eNkantolo yekweHlulelwana nalokuphawula loku. Niyabona na?

¹³⁸ Buka esibukweni sakho sekubuka, kusihlwa, bese uyabona. “Nguyiphi indlela lengicondze kuyo na? Ngabe Jesu

ungilungisela indzawo, umtimba na? Lowomtimba uphelele. Lowomtimba uhamba ngalokuhlelekile. Uyindvodzana noma indvodzakati embikwaNkulunkulu. Futsi yimihelo ekhatsi *lapha*, kutsi ngitalwe kulowomtimba lapho. Uma ngisalitsandza live, kuyangikhombisa kutsi (angisuye) anginamtimba lapho. Ngililunga lelibandla nje. Ngangingesiso sakhi-mphilo saNkulunkulu. Angisiyo. Akasuye Babe wami.”

¹³⁹ Watsi, “Uma ningeke nakumela kujeziswa,” nguloko lenikutfolako manje, “khona-ke nibantfwana labangemavezandlebe, futsi anisibo bantfwana baNkulunkulu.” Ngabe loko akunjalo na? [Libandla litsi, “Kunjalo.”—Umhl.] Ngabe liBhayibheli liyakusho loko na? [“Ameni.”]

Uma ningeke nakumela kulaya kwaNkulunkulu, uma nibona umBhalo unibeka emgceni, futsi nitsi, “O, angifuni kuva leyoNtfo. Ngi—ngingumKhristu. Ngenta i...” Kulungile. Chubeka. Niyabona na? Kubufakazi lobubodywa lobucinisekile kutsi awusuye umntfwana waNkulunkulu.

Kodvwa umntfwana sibili waNkulunkulu uyalamba futsi uyoma. Ngani na? Uma kukhona lokusenhlitiyweni yakho, kukutjela kutsi uyakufuna, futsi kudzinga lapho, kuyakhombisa kutsi kukhona lokubhakutako, kutama kukuvonsela lapho. Kunemtimba lapho, kutsi *lona* ungumfanekiso wawo lapha. Uwusebentisela ini lona na, kudvumisa develi nelive, nemafashini netintfo na? Ngabe ubuke ngaseZulwini, ikhona intfo lesetulu lapho, udvumisa Nkulunkulu ngemphilo yakho na?

Ekhaya laBabe kunetindlu letinengi: kube bekungenjalo, beNgiyonitjela. Futsi Ngitoomba futsi ngiyonilungisela indzawo.

...futsi ngiphindze ngibuye, kutonemukela kimi; kutsi lapho Ngikhona, lapho nibekhona nani.

¹⁴⁰ *Tintfo Letitoba Khona.* Letintfo leti letikhona manje, tinguloko lokunekwenteka kuphela, tibita tintfo letobakhona.

Asikhuleke.

¹⁴¹ Cabangisisani mbamba. Nitocabanga, bangani labangemaKhristu latsandzekako na? Cabangisisani mbamba sibili, umzuzwana nje. Asithule sibili nje umzuzwana nje. Asivumele Moya loyiNgcwele akhulume.

Manje, iNkhosi Jesu yangitfumela kini nine bantfu bePhentekhostali, kadzeni. Nangu lomunye webafana benu lovele kutsi abe ngumelusi wenu, watsi, “Kube ngumphumela walenkonzo.” Uyibonile iNkhosi Jesu ivula emehlo etimpumphutse; “yenta,” watsi, “tinhloko letinemanti tishwaphana nya.” Ngisenato tinkonzo tekuphilisa. Kodvwa ngiyacondza kutsi ngikhulekele bantfu labanengi lebebagula kakhulu. Baphiliswa. INkhosi yaphendvula umkhuleko, futsi

yaphilisa labagulako. Kodvwa, niyati, labanye balabobantfu, labaphiliswa, sewuvele ufile. Futsi akunandzaba kutsi ugula kangakanani, uma uphilisiwe, utokufa, nakanjani.

Kodvwa lowomphefumulo, mnaketfu loligugu, lowomphefumulo, dzadzewetfu loligugu, ungeke wacabanga ngawo manje na? Lowo uPhakadze. Uma lolotsandvo lwaNkulunkulu lungekho ekhatsi lapho, akukho lutfo loludvonsako, ungeke wamcela Nkulunkulu, “O Nkulunkulu, phindza ungicalele phansi, ngibe musha, kusihlwa. NgiyaKutsandza, Nkhosi. Ngifuna kuKutsandza. Nentfo letsite enhlitiywani yami ingitjela kutsi ngifanele ngiphile ngekusondzela kakhulu kuWe. Ngifuna kuta, khona manje, Nkhosi, futsi ngente loko”? Uma lowomuntfu noma bantfu bakulesakhiwo nomu ngephandle kwalesakhiwo, ngyiyakucela, njengenceku yaKhristu, eGameni laJesu Khristu, ungawkwenta nje, nenhloko yakho ikhotseme, uphakamisele sandla sakho kuNkulunkulu bese usho loku kakhulu, “Nkulunkulu, ngisondzete edvutane kakhulu, edvutane kakhulu, Nkulunkulu lotsandzekako. Ngifuna kubasemgenci ngako konkhe Lonako eVini laKho”? Phakamisani tandla tenu. Manje banini cotfo sibili nje. Cabangani nje.

¹⁴² Manje, batsi, “O, ngente *loku*. Mine, ngimemetile, uMoya. Ngikhulume getiliimi. Kodvwa, buka, kukhona lokushodako emphilwani yami. Ngibuka esibukweni seLivi laNkulunkulu, ngyati kukhona lokutsite. Ngiyaya esontfweni, kodvwa angisiko loko lengifanele ngibe ngiko.” Niyabona na? Loko kukhombisa loko, intfo letsite.

Manje, uma ungaribuka wena bese uyabona kutsi awukho emgceni neLivi laNkulunkulu, futsi akukho lutfo ekhatsi lapho lolotokubangela kutsi uphakamise sandla sakho, khona-ke uyati kukhona lokungakalungi. Unako. Kune... Make bekavamise kutsi, “Ungeke uyitfole ingati ku-theniphu, ngoba kute ingati kuyo.” Niyabona na? Cabangani ngako, nicabangisise impela. Leli kungaba littuba lenu lekugcina. Emashumi lamatsatfu, tandla Itingemashumi lamane besiphakeme, lelicembu lelincane lapha, ngisho nemadvodza labafundisi.

¹⁴³ Banini nje ngulabahloniphako sibili umzuzwana nje. Manje cabangani ngalokucondzile impela. “Nkulunkulu Lotsandzekako, ngingahle ngibulawe, kusihlwa, engotini. Ngingahle ngife ekuhlaselweni yinhliyiyo. Ngalokunye kwalokusa loku, ngingahle ngibite dokotela, futsi efike, nekushaya kwemtsambo wami kushaya kwenyuka ngemkhono; angisekho. Ngicindzetela sihlatsi sami emcamelweni, ngimemete, ‘O Nkulunkulu! O Nkulunkulu! O Nkulunkulu!’” Niyabona na? Leyonhlitiyo yenta kushaya kwayo kwekugcina. Uta kulowoMnyango lomkhulu. Ungeke uze uphume ngaphandle uma utalwe kabusha ngaMoya waNkulunkulu. Ungeke uphume ngaphandle uma kukhona intfo lekuwe,

emvakwekuba sewutelwe ngaMoya waNkulunkulu, ulambela futsi womela kuchubeka naNkulunkulu. Kufanele cube njalo. Niyabona na? Ungumntfwana emhlabeni, etibilini temhlaba, usasolo ulindzele kutalwa eMbusweni waNkulunkulu, lapho Aye kuyokulungiselela lomunye umtimba, lowo ngumtimba lophelele.

Manje cabangani ngalokujulile sibili, futsi asikhuleke kanyekanye.

¹⁴⁴ Nkulunkulu Lotsandzekako, njengoba ngati kutsi loku kuyaphenywa eNcwadzini, iRekhodi lenkhulu! Sente liphusa kusayensi, Nkhosi, lokwenele kusiphaphamisa, kulokuphatsekako kwati kutsi wonkhe umnyakato lesiwentako ujikeleta ujikelete umhlaba, ngaso lesosikhatsi lesiwenta ngaso. Sinako loko ngamabonakudze. Siyacondza, Babe, kutsi loyomabonakudze akasikhiciti sitfombe, kuphela uhambisa ngemgudvu ku—kutamatama kungene eshubhini lelenta sitfombe. Ngisho nembala wetimpahala lesitigcokile, kukhombisa ngemagagasi emoya e-ither, loko kutamatama umhlaba jikelele. Ngako-ke ukanjani bodzadzewetfu bagcoke letotimpahala, batiphatsa kanjalo, futsi bangalambi ngisho; buso lobupendiwe, bakhule tinwele na?

Bashumayeli labayoya kusayensi yetenkholo, isemina letsite, “Futsi batsatse tintfo telivi lemuntfu, lelenta, ngemasiko abo, lelenta lite imiyalo yaNkulunkulu etikwebantfu, ngemasiko abo,” batsi bafanele babe belisontfo, futsi nguloko kuphela.

O Nkulunkulu, bayacondza yini kutsi lonkhe livi lesilishoko, kufakazelwe ngekxesayensi, kutsi liserekhodini na? Futsi licala ngesikhatsi sicala kuphila kulomhlaba. Liphela ngesikhatsi sifa, futsi libekwa ku alhamu yaNkulunkulu, kutsi liphindze lidlalwe futsi ekwaHlulelwani.

Sitophunyuka kanjani kuko, kulahla kwaNkulunkulu, uma lentfo yentiwe yacaca kakhulu embikwetfu kepha noko siyaYala na?

O Nkulunkulu lotsandzekako, lamaVi akafi. Achubeka njalonjalo. Lelirekhodi liyodlalwa ngeluSuku lekwaHlulelwani. Utibonile letotandla letiphakamile, Babe. Siyoba khona lapho ngeluSuku lekwaHlulelwani. Futsi, loko inhlitiyo yabo lebeyikucabanga, kuyoba lapho ngeluSuku lekwaHlulelwani.

¹⁴⁵ Manje, Babe, Nkulunkulu, ngiyaKucela, njengenceku yaKho, ngikhulekela kutsi Utosusa bonkhe bubi kubantu baKho. *Bubi*: yintfo lesatiko kutsi sifanele siyente, kepha singayenti. Davide watsi, “Uma ngikhulelwani bubi enhlitiywani yami, Nkulunkulu angeke ayiphendvule imikhuleko yami.” Ngiyakhuleka, Nkulunkulu, kutsi Utotsatsa bubi betfu, ngoba Livi lisibuko saKho sekubuka lesisikhombisako kutsi sisilele kangakanani ekubeni ngemadvodzana nemadvodzakati eNkhosi. Babe, ngikhulekela kutsi Utokwenta, kusihlwani.

¹⁴⁶ Futsi kwente loko i-altari, ngoba i-altari ihleti igcwele bantfu. Futsi kwente loko i-altari, lapho esitulweni lapho bahleti khona, yenta leyonhlitiyo yabo ibe yi-altari yabo. Kwangatsi live lingasuka kuwo wonkhe umnaketfu, dzadze ekhatsi lapha. Futsi kwangatsi lesosakhi-mphilo sekuphila, sakhi-lufuto saNkulunkulu lebesisandza kukhuluma ngaso, leyoncenye leyehla ivela kuNkulunkulu, futsi ibonakaliswe lapha kuhlonipha nekudvumisa Nkulunkulu. Nkulunkulu, susa live kuloko.

¹⁴⁷ Lalabanye, ngingeke ngakhuleka, Nkhosi, ngoba “kugula lokuyisa ekufeni,” futsi akukho lutfo lapho lokubabangela kutsi besuke. Kodywa labo labanganyakata, futsi bati kutsi loko kuliphutsa, hlanta tinhlitiyo tabo nemiphefumulo yabo, kusihlwa, Babe. Futsi kwangatsi bangagcwaliswa ngaMoya waKho, bahambe bangene ekuKhanyeni kwaKho.

¹⁴⁸ Busisa lona lotsandzekako, losemncane, lophile kahle, umelusi lobukeka acinile lapha, Nkhosi. Lensizwa, lewungekile, ishito, ngaloko lebone Wena ukwenta. Lensizwa lekahle, O Nkulunkulu, vutsisa umphefumulo wayo. Siphe kona, Nkhosi. Kwangatsi lingaba ngumelusi weliciniso, njalonjalo, ngaso sonkhe sikhatsi, kutsi ondle umhlambi uMoya loyiNgcwele lomente waba ngumelusi etikwawo. Siphe kona, Nkhosi. Kwangatsi lingeke lajikela ngesekudla noma ngesencele, kungabikho ndlela yesivumokholo, kungabibikho lutfo lolunye kodvwa Livi laNkulunkulu lelingakacutjwa nalutfo live emlonyeni wakhe, futsi Lelo kuphela. Mbusise, Nkulunkulu, yena nalabatsandzekako bakhe, nelibandla lakhe lelincane lapha. Bani nabo bonkhe, Babe.

¹⁴⁹ Nginikela loku kuWe, Babe. IMbewu seyihlanyelwe. Kwangatsi Ingawela etikwaleyombewu leyamiselwa kuPhila, futsi imile ibe yinkhulu, emakristu lacinile alelibandla lapha, nalamanye emabandla lapho bavela khona. Siphe kona, Nkhosi. Ngikunikela kuWe, eGameni laJesu Khristu, iNdvodzana yaNkulunkulu.

Futsi, Babe, “Yalinyatwa ngenca yetiphambeko tetfu, yahubulwa ngebubi betfu; sijeziso sekuthula kwetfu sasisetikwaYo; nangemivimba yaYo siphilisiwe tsine.”

¹⁵⁰ Ngibone kungena ngemnyango, emizuzwaneni lembalwa leyendlulile, wesifazane loguliswa yimizwa tatane. Futsi, O, Nkulunkulu, emndenini wakhe lucobo, tintfo letinkhulu kangaka leyentiwe, kutsi Utibonakalise kanjani Wena lucobo! Ngiyakhuleka, Nkulunkulu, ngalowo wesifazane. Susa konkhe loko lokndlulile kwasemuva, kwemphilo, Nkhosi, futsi umphilise kusihlwa. Utokwenta, Nkhosi na? Mtsatse abe kuWe.

¹⁵¹ Ngiyakubona, bantfwana labancane bahleti lapha, Nkhosi, badzinga kophiliswa, labanye. Ngikhulekela kutsi Utobaphilisa, Babe. Siphe kona. Kwangatsi emandla aKho lamakhulu

ekuphilisa angeta futsi asiphilise, kokubili umphefumulo nemtimba.

¹⁵² Futsi manje, kini nine manje lenilandlini yekukhontela lapha, noma ngephandle, lodzinga kuphiliswa, ngifuna uphakamise sandla sakho, utsi, “Ngidzinga kuphiliswa, Mnaketfu Branham.” Kubukeka kwangatsi wonkhe umuntfu uyakudzinga. Kulungile. Nitongikhola kutsi ngiyinceku yaKhristu na? Tsanini, “Ameni.” [Libandla litsi, “Ameni.”—Umhl.] Manje-ke, ngifuna nibeke tandla tenu etikwalomunye nalomunye. Nje bekani tandla tenu etikwalomunye nalomunye. Niphakamise tandla tenu, longekhatsi noma ngephandle, niphakamisa tandla tenu, kutsi beningemakholwa kuNkulunkulu.

Jesu Khristu watsi, kutfuma kwaKhe kwekugcina eBandleni, “Hambani niye emhabeni wonkhe, futsi nishumayele liVangeli kuko konkhe lokudaliwe. Loyo lokholwako... Loyo lokholwako abhabhatiswe ujosindzisa. Loyo longakhola uyolahlwa. Naletibonakaliso leti titobalandzela labakhola; ngeliGama laMi batokhipha emadimoni; bayokhuluma ngetilimi letinsha; uma baphatsa tinyoka noma banatse lokubulalanako, akunawubanangoti; kodvwa, futsi uma babeka tandla tabo etikwalabagulako, batosindza.” Manje, Jesu wakusho loko. Khumbulanani, Wakusho loko. Loko kufanele kube khona. Bekangeke akusho loko ngaphandle uma kutobakhona longabamba leloLivi.

Njengesinye saMariya nje sakhona kubamba sakhi-mphilo, “Intfombi itokhulelw.” Njengelusundvu lwakhona kudalwa, nesihlahla sem-okhi egcumeni, Livi laKhe lakwenta.

Livi laKhe lingabamba enhlityweni yakho khona manje. “Ngilikholwa, Nkhosi. Lona wesilisa noma wesifazane lengibeke tandla tami etikwakhe, baphatsekile. Angitikhulekeli mine lucobo. Ngoba, bakhulekela mine. Ngikhulekela yena lowesifazane, noma yena lowesilisa. Futsi, O Nkulunkulu, mphilise lowesilisa, mphilise lowesifazane. Futsi ngilikholwa, futsi manje sibutsene. Sisandza kufundzisa nje kutsi sasinaKhristu ngesikhatsi Ahamba emhabeni, ngoba siyincenye yeLivi laKhe. Sahlupheka naYe. Sopha naYe. Safa naYe. Sangcwatjwa naYe. Sivuswe naYe, futsi sihleti ndzawonye etindzaweni taseZulwini kuKhristu Jesu. INkhosi lenkhulu ihleti lapha emkhatsini wetfu, futsi ngiyindvodzana noma indvodzakati yaleNkhosi. Futsi ngibeke sandla sami etikwendvodzana noma indvodzakati yeNkhosi, lengikhulekelako, nami ngikhulekela bona. Manje, Nkhosi, phendvula umkhuleko wami, futsi upholise lendvodzana yaNkulunkulu noma lendvodzakati yaNkulunkulu.”

Kanyekanye, asikhulekelane manje.

¹⁵³ Nkhosi Jesu, sita ngekutitfoba, sivuma emaphutsa etfu. Siyeta, sivuma kutsi sikufanele kugula nekufa, nelusizi, kodvwa semukela inhlawulo yaKho ngetono tetfu nekugula kwetfu. Futsi, kusihlwa, lamadvodzana nemadvodzakati aNkulunkulu, ahleti lapha, eva kucondzisa kweLivi, futsi aphakamisa tandla tawo, afuna kuhamba lokusondzele. Abeka tandla etikwalomunye nalomunye manje ngoba ayalikholwa Livi laKho kutsi licinisile. Ayakholwa kutsi manje sesivusiwe naKhristu, sihleti etindzaweni taseZulwini naYe. Abeke tandla tawo etikwalomunye nalomunye, akhulekelana.

Wena watsi, “Umkhuleko wekukholwa uyomphilisa logulako, naNkulunkulu uyomvusa; futsi uma ente noma ngusiphi sono, uytsetselelwa sona. Nivuma tono tenu lomunye kulomunye, nikhulekelane, kute niphiliswe. Ngoba umkhuleko locotfo walolungile unemandla kakhulu.” O Nkulunkulu loPhakadze, vani umkhuluko wetinceku taKho.

Futsi manje, kubhaliwe futsi, “Uma bantfu, lababitwa ngeliGama laMi, bayobutsana ndzawonye, futsi bakhuleke; khona ke Ngitokuva ngiseZulwini.” O Nkulunkulu, vani umkhuleko webantfwana baKho kusihlwa, useZulwini. Yehlisa uMoya loyiNgcwele etikwaletetsameli, njengekuvunguta kwemoya lonemandla. Futsi siletsa labantfu laba embikwaNkulunkulu.

¹⁵⁴ Sathane, wehluliwe. Usidalwa lesehluliwe. Jesu Khristu wakuncoba eKhalvari. Awunamandla. Ungumkhohlisi. Sibita sandla sakho, kusihlwa. EGameni laJesu Khristu, phuma kulabantu laba lapha, wena kugula netifo. Futsi kwangatsi bangahamba, bakhululekile, eGameni laJesu Khristu, iNdvodzana yaNkulunkulu.

¹⁵⁵ Haleluya! Vani inkhatimulo yaNkulunkulu! Vani umkhuleko wakho uphendvulwa. Uyakholwa kutsi Nkulunkulu umphendvulile lomuntfu lohleti edvute nawe na? Bangakhi labakukholwako na? Phakamisani tandla tenu. [Libandla liyajabula—Umhl.] Nakolaph'ukhona. O, kuyamangalisa!

NgiyaMtsandza, ngi . . .

Netandla tenu tiphakeme manje, lihlabeleleni Yena, ngayo yonkhe inhlitiyo yenu.

Ngoba Watsandza kucala . . .

Nikusho sibili yini, ngayo yonkhe inhlitiyo yenu manje na?

¹⁵⁶ Bangakhi kini labevako kutsi Nkulunkulu sewunitsetselele bubi benu, tintfo lenitentile na? “Futsi kusukela kusihlwa kuchubek, O Wundlu laNkulunkulu, ngiyetsembisa kuhamba ngebucotfo. Ngitohamba ngekuhlonishwa kweliGama lengibitwa ngalo, umKhristu, imphilo lefana neyaKhristu. Ngitophakamisa tandla tami, Nkulunkulu.

Ngitinikela cobolwami kabusha kuWe, kusihlwa. Ngitohamba ekuKhanyeni.” Ameni.

Sitohamb’ekuKhanyeni, kuKhanya lokuhle,
Kuvela lapho ematfonsi ematolo emusa
akhanya khona;
Kusikhanyisa ndzawo tonkhe, emini
nasebusuku,
Jesu, kuKhanya kwelive.

Sitohamb’ekuKhanyeni, KukuKhanya lokuhle
kangaka,
Kuvela lapho ematfonsi ematolo . . .

Lapho Ayosilungiselela khona indzawo.

Kusikhanyisa ndzawo tonkhe, emini
nasebusuku,
Jesu, kuKhanya kwelive.

Wotani, nine nonkhe bangcwele bekuKhanya
nimemetele,
Jesu, kuKhanya kwelive;
Liciniso nemusa eGameni laKhe,
Jesu, kuKhanya kwelive.

Sitokwentani ke?

Sitohamb’ekuKhanyeni, kuKhanya lokuhle
kangaka,
Kuvela lapho ematfonsi ematolo emusa
akhanya bha;
Kusikhanyisa ndzawo tonkhe, emini
nasebusuku,
Jesu, kuKhanya kwelive.

O, anitiva nikolojwe kwaphuma konkhe, nitiva nikahle
na? [Libandla litsi, “Ameni.”—Umhl.] O, hhe! Asichawulane,
sisahlabela futsi.

Sitohamb’ekuKhanyeni, kuKhanya lokuhle
kangaka,
Kuvela lapho . . . (Nkulunkulu akubusise,
mnaketfu.) . . . emusa akhanya bha;
Kusikhanyisa ndzawo tonkhe, emini
nasebusuku,
Jesu, kuKhanya kwelive.

Ake nje sesivale emehlo etfu futsi silihamishe. [UMnaketfu
Branham nelibandla bacala kuhamisha Jesu, KuKhanya
KweLive—Umhl.] Sitotiphatsisa kwebantfwana. Sibantfwana.

O, kukuKhanya lokuhle kangaka,
 Futsi Kuvela lapho ematfonsi ematolo emusa
 akhanya bha;
 O, kusikhanyisa ndzawo tonkhe, emini
 nasebusuku,
 Jesu, kuKhanya kwelive.

AniMtsandzi na? [Libandla litsi, "Ameni."—Umhl.]

Lukholo lwami lubuka etulu kuWe,
 Wena Wundlu lase Khalva- . . .

Valani emehlo enu nje bese niyalihlabela. Nidvumise
 nikuMoya.

Msindzisi Nkulunkulu;
 Manje ngive ngisakhuleka,
 Susa tonkhe tono tami,
 O akutsi mine kusukela namuhla
 Ngibe waKho wonkhe!

Lapho nginyatsela ekudidekeni lokumnyama
 kwemphilo,
 Nelusizi lwandza ngakimi,
 O, Wena bani nguMholi wami;
 Yala bumnyama bube yimini,
 Sula kwesaba kwekudzabuka kukhweshe,
 Ungangivumeli nanini ngiduke
 Ngisuke eceleni kwaKho.

¹⁵⁷ O, hhe! Ngiyati ngingumfo loyifashini lendzala.
 Ngitsandza . . . Ngicabanga kutsi loko kunako konkhe
 lokusha, lokucotjiwe, kwadanswa kwasesipeyini, kushaya
 kwekulingisela umculo wekutinyukunya, emamayela lasigidzi.
 Letotimbongi letindzala letabhala lawomaculo, uMoya
 loyiNgewele watsintsia leyo-pheni, bacala kubhala. O, hhe!
 Ngicabanga nga-Eddie Perronet nabo bonkhe; lomkhulu! Fanny
 Crosby:

Mawungangendluli, O Msindzisi lomnene,
 Vani kuhala kwami kwekutitfoba.

¹⁵⁸ NgalesinYe sikhatsi bebetama kumtfola lowesifazane. Ake—
 akentanga njenga-Elvis Presley wePhentekhostali, atsengise
 ngebutibulo bakhe ngenyakanyaka yetimoto emaKhadilakhi.
 Yena . . . Beta kuye futsi bebafuna kutsi abhale—abhale emaculo
 elive. Watsi, "Ngingeke ngikwente, ngikwente lite."

Batsi, "Leni, uyimphumphutse. Uma ufika eZulwini,
 uyomati kanjani Yena?"

Wagucuka, lugcobo, ngako watsi:

NgiyoMati, ngiyoMati,
 Futsi ngihlengiwe ngiyoma eceleni kwaKhe;
 NgiyoMati, ngiyokwati (Kanjani na?)
 Ngetibati tetipikili kusaKhe . . .

Nakungenjalo, “Uma ngingaMboni, ngiyotsintsa tandla taKhe.”

NgiyoMati, ngiyoMati,
Futsi ngihlengiwe ngiyoma eceleni kwaKhe;
NgiyoMati, ngiyoMati
Ngetibati tetipikili esandleni saKhe.

¹⁵⁹ Akunenti niMtsandze na? Uye kuyosilungisela indzawo! “Futsi uma Ngiya ngilungisa indzawo, Ngitobuya futsi, kutsi nginibuyise kiMi.”

¹⁶⁰ Bantfwana labancane ekuhelweni manje, phindzani nilalele imiyalo yaNkulunkulu. Nemelusi, lapha, uma kute kini loke wabhabhatiswa, emanti atobe asalungile. Ne—nebulunga belibandla, noma mhlawumbe yini lenifuna kuyenta, noma yini, kwenteni. Aninawo umbhabhatiso, uMoya loNgewe, lobu busuku bekuMemukela. Anikukholwa loko na? [Libandla litsi, “Ameni.”—Umhl.]

¹⁶¹ “O,” wena utsi, “Mnaketfu Branham, sekwephuteke kakhulu. Sewuvele ushumayele sikhatsi lesidze kakhulu.”

Pawula washumayela busuku bonkhe, ngalobunye busuku, loluhlobo lolufanako lweMlayeto. Nalelincane... Insizwa yawa elubondzeni futsi yatibulala. NaPawula, agcotjwe kakhulu ngalolohlobo lolufanako lweMlayeto, wabeka umtimba wakhe etikwayo, nekuphila kwabuyela kuyo futsi. Usasolo angu “Jesu Khristu longuye itolo, namuhla naphakadze.”

AniMtsandzi na? [Libandla litsi, “Ameni.”—Umhl.] Ake sitsi nje, kanye nje futsi, netandla tetfu tiphakeme, “NgiyaMtsandza. NgiyaMtsandza.”

Uphi umshayi wepiyano? Lapho, uma ungakwenta, dzadze, noma ngabe ngubani. Sinike ishuni lencane nje, uma ungakwenta.

Bangakhi labaMtsandzako na? Phakamisa sandla sakho nje. Utsi, “NgiyaMtsandza mbamba. NgiyaMtsandza nje, ngayo—ngayo yonkhe inhlitiyo yami. NgiyaMtsandza.”

¹⁶² Manje asilihlabele nje, kulo ludvumo lwaNkulunkulu. Manje, nemehlo etfu avaliwe, tandla tetfu tiphakamele eZulwini, “NgiyaMtsandza. NgiyaMtsandza.” Siyadvumissa. Uma ushumayela, futsi ujuba, futsi udzabula, futsi udvonsa kanjalo, leli libhalisamu Nkulunkulu lalitselako, nje liyaphilisa. “Likhona liBhalisamu kaGileyadi, lemphefumulo.” Asilihlabele manje. Sinike ishuni.

NgiyaMtsandza, ngiyaMtsandza
Ngoba Wangitsandza kucala
Futsi wang’tsengel’insindziso
Esihlahleni saseKhalvari.

¹⁶³ Futsi uma... “Loku bonkhe bantfu bayati kutsi nibafundzi baMi, uma ninelutsandvo, lomunye kulomunye.” Kunjalo.

Uma singeke satsandzana lomunye nalomunye lesimbonako,
sitomtsandza kanjani Nkulunkulu Lesingamboni na?

NgiyaMtsandza.

¹⁶⁴ [UMnaketfu Branham ukhuluma nalomunye umfo lengembili—Umhl.] Nkulunkulu akubusise. [Lomfo utsi, “Ngekuba lapha kusihlwa kukuhlonishwa sibili lokuvela eZulwini.”] Ngiyabonga, mnaketfu. [“Kumnandzi sibili.”] Manje, ngicabanga kutsi libandla, wonkhe umuntfu, ucinisiwe. Aninjalo na? [“Yebo. Impela.”] Nkulunkulu akubusise, Mnaketfu Boone. Ngitobuyisela libandla kuwe. Nkulunkulu akubusise. 

TINTFO LETITOBA KHONA SSW65-1205
(Things That Are To Be)

LoMlayeto ngeMnaketfu William Marrion Branham, kwekulala wetfulwa
ngesiNgisi ngeliSontfo kusihlwa, ngenyanga yeNgongoni 5, 1965, eFirst
Assembly Of God eRialto, eCalifornia, eU.S.A., utsatselwe ekucopheni
kwetheyiphu lenamazibuthe futsi wakhicitwa ungakafinyetwa ngesiNgisi. Loku
kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org